## 庫全書

子部

人元日四人上 帝婿王弘遠華池豐屋廣延賢彦圖莊生垂編之象記 朝士使稽含為之赞含接筆為吊文文不加點其序曰 弘農王粹以贵公子尚主館字甚級圖莊周于室廣集 欽定四庫全書 經濟類編卷五十二 文學類六 赞领五则 經濟類編 明 馮琦馮瑗 撰

帝女連耀三光有出無處池非巖石之溜宅非茅茨之 堂可謂託非其所可予不可赞也其解曰邁矣莊周天 金大巴居人丁 先達辭聘之事畫真人于刻桶之室載退士於進趣之 宇馳屈産於皇衙畫兹象其馬取嗟平先生高跡何局 縱特放大塊授其生自然資其量器虛神清窮玄極曠 下相陵長幼失贯於是借玄虚以助獨引道徳以自獎 人偽俗季真風既散野無訟屈之聲朝有爭寵之歎上 詠恬曠之群家畫老莊之東今王生沉淪名利身尚

也故颉頏以傲世傲世不可以垂訓也故正諫以明節 濁世不可以富貴也故薄遊以取位茍出不可以直道 漢武帝漢書具載其事先生瓊瑋博達思周變通以為 大道之湮晦遂含悲而吐曲粹有愧色 明節不可以久安也故訴諮以取容潔其道而穢其跡 生處嚴岫之居死寄彫楹之屋託非其所沒有餘辱悼 人也魏建安中分康次以為樂陵郡故又為郡人馬事 夏候港東方朔畫像贊 經濟頻絕 大夫諱朔字曼倩平原厭次

家東流之論周給敏捷之辨支離覆逆之數 經脈禁石 **幽贊以知來自三墳五典八索九丘陰陽圖緯之學百** 賤不 憂戚戲 萬來若係友視儔列如草芥雄節邁倫高 遠心曠度膽智宏才倜儻博物觸類多能合變以明第 大陵樂卿相謝哂豪傑籠單靡前跆籍貴勢出不休順 經目而諷於口過耳而聞於心夫其明濟開豁包含弘 之藝射御書計之術乃研精而完其理不習而盡其功

飲定匹庫全書

清其質而濁其文弛張而不為邪進退而不離奉若乃

卷五十二

to the first of the second **滓伊何高明克柔能清伊何視汙若浮樂在必行處險** 為星辰此又 奇怪惚恍不可備論者也大人來 守此 氨基世可謂技乎其萃游方之外者也談者又以先生 進亦避祭臨世濯足希古板纓涅而無滓既濁能清 有懷乃作頌馬其辭曰矯矯先生肥避居貞退不終否 何路寝見先生之遺像逍遙城郭觀先生之祠宇慨然 **噓吸沖和吐故納新蟬蛇龍變棄俗登仙神交造化靈** 僕自京都言歸定省親先生之縣邑想先生之高風 經濟類編

多为四月至量 **蔡邕祖德頌** 居是居弗形悠悠我情昔在有徳罔不遺靈天秩有禮 我來自東言適兹邑敬問墟墳企付原隰墟墓徒存精 祠宇庭序荒無榱楝恆落草來弗除肅肅先生豈馬是 靈永戢民思其軌祠宇斯立徘徊寺寢遺像在圖周旋 生其道猶龍染迹朝隱和而不同栖遲下位聊以從容 神鑒孔明彷彿風塵用垂頌聲 **罔憂跨世陵時遠蹈獨遊瞻望彼代爰想遐蹤邈逸先** 昔文王始受命武王定禍亂至於成王! 卷五十

太平乃治祥瑞畢降夫豈后德隆漸浸之所通也是以易嘉積 展我考蒞之以莊增崇丕顯克構其堂是用祚之休徵惟光厥 穆我祖世為其仁其德克明惟懿惟醇宣慈惠和無競伊人 斯乃祖稱之遺靈盛德之所既也豈是童蒙狐稚所克任哉穆 做伊何於的于今園有甘棠别榦同心填有擾兔宅我栢林神 莫違是以靈私降之体瑞免擾制以的其仁木連理以象其義 德者亦其有馬昔我烈祖暨于子考世載孝友重以明德率禮 善有餘慶詩稱子孫其保之非特王道然也賢人君子修仁履

一部坑四库全書 子小子豈不是欲干有先功匪際伊辱京兆樊惠渠頌 武都太守李角西俠領 達之田疇斥鹵英修英治飢饉困瘁英恤莫思 成章謂之樊惠渠其歌曰我有長流莫或閱之我有溝滄莫有 君勤恤民隐乃命立新渠農之毒田化為甘壤相與謳詠斐然 於是乎在陽陵縣東廠地污泥嘉穀不殖光和五年京兆尹樊 不可誣偽不可加析薪之業畏不克荷矧貪靈服以為已華惟 (政一曰食周禮十轍一曰農生民之本於是乎出豐殖財用 漢武都太守漢陽阿陽李君諱翁字 洪乾

**迺財容車騎進不能濟息不得駐數有颠覆實隆之虞過者創** 動順經古先之以博愛陳之以德義示之以好惡不肅而成不 艱阻峻縁崖俾間兩山壁立隆崇造雲下有不測之谿院芒促 餘人年較屢登倉庫惟億百姓有蓄栗麥五錢郡西狹中道危 展而治朝中惟静威儀抑抑督郵部職不出府門政約令行強 與城有阿鄭之化是以三剖守符致黄龍嘉禾木連甘露之瑞 とこのうとこう **小暴寡知不詐愚屬縣趨教無對會之事徼外來庭面縛二十** 经清频的

伯都天姿明敏敦詩悦禮膺禄美厚繼世即吏幼而宿衛弱紀

多久正月有青 患無己 賓服鎮山沒漬路以安直艇病之迹 亦世頼福 **楚惴惴其慄君踐其險若涉渊** 國清平該歌懿德瑞降豐稔民以慎植威恩並隆遠 斯 刻為確崑減高就埋平夷正曲神致土石堅固廣大 如鸱于谷斯其殆哉因其事則為設備令不圖之為 夜涉四方無雜行人惟備民歌德惠穆如清風乃 石曰赫赫明后条嘉惟則克長克君牧守三國三 粉衝官有秩李瑾禄仇審因常縣道徒鎮燒破 **水敷曰詩所** 謂如集于

**文定四事人誓** 為之說又恐人之離本就末也故言道而不言事則無 靡散太宗懼為人之惛惛然弗能知也故多為之辭博 事上考之天下揆之地中通諸理雖未能抽引玄妙之 十篇有原道有俶真有天文有地形有時則有覽冥有 中才繁然足以觀終始矣總要舉凡而語不剖判純 劉安要略訓 以與世浮沈言事而不言道則無以與化游息故苦二 \*判 夫作為書論者所以紀網道德經緯 經濟類機

參言而完則外物而反情執其大指以內治五藏滅 濇 言而寤 原道者盧牟六合 混沌萬物象太一之容 測究冥之 詮言有兵略有説山有説林有人間有修務有泰族也 禍福動靜之利害誠通其志浩然可以大觀矣欲 **膚被服法則而與之終身所以應待萬方覽耦百變** 翔虚無之軫託小以苞大守約以治廣使人知先後 神有本經有主術有繆稱有齊俗有道應有記論有 則尊天而保真從再言而通則賤物而貴身從

次定四車全書 之變避忌諱之殃順時運之應法五神之常使人有以 極東西之廣經山陵之形區川谷之居明萬物之主 反已審仁義之間通同異之理觀至徳之統知麼化之 **坍有無之精離別萬物之變合同死生之形使人遺物** 陽之氣理日月之光節開塞之時列星辰之行知逆順 也若轉九掌中足以自樂也飯真者窮逐終始之化贏 紀說符玄妙之中通迴造化之母也天文者所以和陰 仰天承順而不亂其常者也地形者使人窮南北之修 經濟類編

所以言至精之通九天也至微之淪無形也統粹之 是發號施令以時教期使君人者知所以從事**覽冥者** 至清也的的之通冥冥也乃始攬物物引類覽取擠 盡地力據度行當合諸人則形十二節以為法式終而 生類之衆列山淵之數規遠近之路使人通迴周備 可動以物不可驚以怪者也時則者所以上因天時 始轉於無極因循做依以知禍福操舍開塞各有龍 想宵類物之可以喻意象形者乃以穿通窘滞決 卷五十 不

之宗所以使人爱養其精神撫靜其魂魄不以物易 所以原本人之所由生而晓寤其形骸九竅取象於天 初之道将略衰世古今之變以褒先聖之隆威而貶末 而堅守虛無之宅者也本經者所以明大聖之徳通 合同其血氣與雷霆風雨比類其喜怒與晝宵寒暑並 陰陽之合形将之跃所以令人達觀博見者也精神者 明 審死生之分別同異之跡節動靜之機以反其性命 維

壅塞引人之意繋之無極乃以 明物類之感 同氣之應

使人主秉数持要不妄喜怒也其数直施而正邪外私 主術者君人之事也所以因作任督責使羣臣各盡其 流過之觀節養性之和分帝王之操列小大之差者也 世之曲政也所以使人點耳目之聰明精神之感動樽 而立公使百官條通而輻輳名務其業人致其功此主 能也明攝摧採柄以制羣下提名责實考之參伍所以 街之明也繆稱者破碎道徳之論差次仁義之分略雜 '問之事總同乎神明之徳假象取耦以相譬喻斷

|飲定四庫全書

者攬掇遂事之蹤追觀往古之跡察禍福利害之反考 者所以一羣生之短修同九夷之風氣通古令之論貫 為節以應小具所以曲説攻論應感而不匱者也齊俗 誘惑於事態有符瞬睨兼摺時勢之變而與化推移者 兆見得失之變利病之文所以使人不妄沒於勢利 驗乎老莊之術而以合得失之勢者也氾論者所以箴 萬物之理財制禮義之宜擘畫人事之終始者也道應 **矮終終之間機擀呪齵之郄也接徑直施以推本撲而** 世奇順施

者所以明戰勝攻取之數形機之勢許請之變體因循 失擊危乗勢以為資清靜以為常避實就虛若驅羣單 之道操持後之論也所以知戰陣分爭之非道不行也 微言之渺詮以至理之文而補縫過失之闕者也兵略 此所以言兵也說山說林者所以竅窕穿鑿百事之壅 知攻取堅守之非徳不强也誠明其意進退左右無所 遏而通行贯局萬物之室塞者也假譬取象異類殊形

|飲定四庫全書

也詮言者所以譬類人事之指解喻治亂之體也差擇

者也修務者所以為人之於道未淹味論未深見其文 てこうこ ここ 辭反之以清淨為常恬淡為本則懈墮分學縱從適情 至意則有以傾倒偃仰世俗之間而無傷子讒賊螫毒 也人間者所以觀禍福之變察利害之反鎖脈得失之 **陈標舉終始之壇也分別百事之微敷陳存亡之機使** 以領理人之意懈墮結細說捍搏国而以明事将事者 知禍之為福亡之為得成之為敗利之為害也誠喻 以偷自佚而塞於大道也今天狂者無憂聖人亦無 經濟類編

氣抱天心執中含和徳形於內以苦凝天地發起陰陽 **緯治道紀綱王事乃原心衔理性情以館清平之靈** 古今之道治倫理之序總萬方之指而歸之一本以經 自幾也泰族者横八極致高崇上明三光下和水土 異故為之浮稱流說其所以能聽所以使學者孳掌以 無為也與塞而無為也同其無為則同其所以無為則 憂聖人無憂和以德也狂者無憂不知禍福也故通而 神明之精以與天和相嬰薄所以覽五帝三王懷天 經

多好四庫全書

卷五十二

. J. 17 ... J. 1. 1. 法藉專用制度神祇弗應福祥不歸四海弗賓兆民弗 接而不眩內有以處神養氣宴場至和而已自樂所受 化故德形於內治之大本此鴻烈之泰族也凡屬書者 化羣生唱而和動而隨四海之內一心同歸故景星見 祥風至黃龍下 鳳巢列樹麟止郊野徳不内 形而行其 以窺道開塞庶後世使知舉錯取舍之宜適外與物 天地者也故言道而 短齊関編 不明終始則不知所做依言終

序四時正流方綏之斯寧推之斯行乃以陶冶萬物遊

道德而不知世曲則無以耦萬方知氾論而不知詮言 則 差言帝道而不言君事則不知小大之衰言君事而不 合向大指已言俗變而不言往事則不知道徳之應 知養生之機原人情而不言大聖之徳則不知五行之 引璧援類則不識精微言至精而不原人之神氣則 無以從容通書文而不知兵指則無以應卒已知大 稱喻則不知動静之宜言稱喻而不言俗變則不知

一飲定匹庫全書

始而不明天地四時則不知所避諱言天地四時而

不

唯聖人也今學者無 聖人之才而不為詳說則終身 顛 帝王之道備矣其言有小有巨有微有粗指奏卷異各 **欲疆省其辟覽總其要弗由行巨入則不足以窮道德** 有為語今專言道則無不在馬然而能得本知末者其 之意故著書二十篇則天地之理究矣人間之事接矣 頻乎混溟之中而不知 覺寤乎昭明之術矣令易之乾 超濟類編

略而不知譬喻則無以推明事知公道而不知人間則

無以應禍福知人間而不知修務則無以使學者勸力

次と四年を書

曲个畫龍首觀者不知其何獸也具其形則不疑矣今 然而五弦之琴不可鼓也必有細大駕和而後可以成 道而擔逐萬物之祖也夫五音之數不過官商角徵 也夫道論至深故多為之解以抒其情萬物至衆故博 謂之道則多謂之物則少謂之術則博謂之事則淺推 伏羲為之六十四變 周室增以六爻所以原 測取清之 坤足以窮道通意也八卦可以識古凶知禍福矣然而 以論則無可言者所以為學者固欲致之不言而已 . 73

**沙定四草全書** 文王之時紂為天子賦飲無度殺發無止康梁沈湎宫 萬物之形亦優将矣若然者挾日月而不此潤萬物 匹夫弗害者小也誠通乎二十篇之論睹凡得要以通 滌蕩至意使之無 疑竭底滯捲握而不散也夫江河之 九野徑十門外天地押山川其於逍遙一世之間宰匠 腐胔不可勝數然祭者汲馬大也一盃酒白蠅漬其中 不耗曼兮洮兮足以覧矣藐兮浩兮曠曠兮可以将矣 . 超濟類編

為之說以通其意辭雖壇卷連漫紋紛遠援所以洮

**發除賊而成王道故太公之謀生馬文王業之而不卒** 之文王四世纍善脩徳行義處岐周之間地方不過百 海内未輯武王欲昭文王之令徳使夷狄各以其賄來 伐無道而討不義誓師牧野以踐天子之位天下未定 武王繼文王之業用太公之謀悉索薄賦躬援甲胄以 里天下二垂歸之文王欲以早弱制彊暴以為天下去 **页逸遠未能至故治三年之喪殯文王於兩楹之間以** 中成市作為炮烙之刑刳諫者剔孕婦天下同心而苦

各五十

教七十子使服其衣冠修其篇籍故儒者之學生馬墨 於魯以此移風易俗孔子修成康之道述周公之訓以 之危上也故縱馬華山放牛挑林敗鼓折抱指笏而朝 蔡叔管叔輔公子禄父而欲為亂周公繼文王之業持 ....... 子學儒者之業受孔子之街以為其禮煩擾而不悅厚 以寧静王室鎮撫諸侯成王既壯能從政事周公受封 天子之政以股肱周室輔翼成王懼爭道之不塞臣下 短春頃遍

俟遠方武王立三年而崩成王在褓襁之中未能用事

中國中國之不絕如緩齊國之地東負海而北郭河地 生馬齊桓公之時天子卑弱諸侯力征南夷北狄交伐 鑿江而通九路辟五湖而定東海當此之時燒不暇擴 之時天下大水禹身執於垂以為民先别河而道九岐 **弊靡財而貧民服傷生而害事故背周道而用夏政禹 狭田少而民多智巧桓公憂中國之患苦夷狄之亂欲** 濡不給扎死陵者葬陵死澤者葬澤故節財薄葬閑服 以存亡繼絕崇天子之位廣文武之業故管子之書生

欽定匹庫全書

**基五十二** 

之佐韓晉別國也地墩民險而介於大國之間晉國之 守其國家持其社稷故縱橫修短生馬申子者韓昭釐 守其分地握其推柄擅其政令下無方伯上無天子力 征爭推勝者為右恃連與國約重致剖信符結遠接 从 世之時六國諸侯谿典谷別水絕山隔各自治其境內 千鍾贛梁丘據子家噲導於左右故晏子之諫生馬晚 路寢之臺族鑄大鍾撞之庭下郊雉皆呴一朝用三 . Al /13. 医脊顶偏

馬齊景公內好聲色外好狗馬獵射亡歸好色無辨作

王之風以儲與扈治玄渺之中精搖靡覽棄其珍望斟 通古今之事推事而立制度形而施宜原道之心合三 而吞諸侯故商鞅之法生馬若劉氏之書觀天地之象 之書生馬泰國之俗貪很殭力寡義而趨利可威以刑 又下新故相反前後相繆百官背亂不知所用故刑名 而不可化以善可勘以實而不可属以名被險而帶河 故禮未滅韓國之新法重出先君之令未收時君之令 四塞以為固地利形便畜積殷富孝公欲以虎狼之勢

||欽定匹库全書

大定四車全書 之尋常而不塞布之天下而不宛 也含德之至莫喻於道親已之切無重於身故道存而 不求者明達之用心是以聖人韜光賢人遁世其故 蕭統陶淵明集序 白駒寄遇謂之逆旅宜乎與大塊而盈虛隨中和而 身安道亡而身害處百龄之内居一世之中儵忽凡之 ₹ 夫自 街自媒者士女之 醌行不忮 短濟類編

路守一

隅之指拘緊牵連於物而不與世推移也故置

其淑靜以統天下理萬物應變化通殊類非循一

一跡之

放豈能戚戚勞於憂畏及汲役於人間齊謳趙女之 濠伯成 躬耕於野或 货海東之樂草或紡江南之落毛 **譬彼駕雛豈競鳶鳩之內猶斯雜縣寧勞文仲之牲至** 見珍而終破蘭之生谷雖無人而自芳故莊周垂釣於 居之甚履薄水愚夫貪士競之若洩尾間玉之在山以 于子常宿喜之倫蘇秦衞鞅之匹死之而不疑甘之而 矣憂亦隨之何倚伏之難量亦慶吊之相及智者聖人 珍九罪之食結驅連騎之榮侈被執主之貴樂既樂 妈妈

卷五十二

毛而沉於他人乎是以至人達士因以晦迹或懷釐而 子晉天下之儲而有洛濱之志輕之若脫展視之若為 **让饕餮之徒其流甚衆唐堯四海之主而有汾陽之心** 不痛哉又楚子觀周受折於孫滿霍侯縣來禍起於負 其意不在酒亦寄酒為迹者也其文章不羣辭彩精拔 事寄東事以忘情者也有疑陶淵明詩篇篇有酒吾觀 **謁帝或被褐而負新鼓楫清潭乗機漢曲情不在於衆** 不悔主父偃言生不五鼎食死則五鼎烹卒如其言豈 - 經濟類編

**改定四車全書** 

流干青雲而直上語時事則指而可想論懷抱則曠 傳編之於錄當謂有能觀淵明之文者馳競之情遣 卒無諷諫何足搖其筆端惜哉亡是可也并粗點定其 其文不能釋手尚想其徳恨不同時故加搜校粗為區 財 且真加以貞志不休安道苦節不以躬耕為恥不以無 跌宕昭彰獨超眾類抑揚與朗莫之與京橫素波而 目白壁微瑕惟在別情一賦揚雄所謂勘百而諷 "為病自非大賢篤志與道汗隆孰能如此乎余素 一者 而 傍 爱

會稽山陰之蘭亭修禊事也羣賢畢至少長咸集此地 教也 亦足以畅飲幽情是日也天朗氣清恵風和畅仰觀字 為流觴曲水列坐其次 雖無絲竹管絃之盛 一觴 各之意祛貪夫可以廉懦夫可以立豈止仁義可蹈 有崇山峻嶺茂林修竹又有清流激湍映带左右引以 王義之蘭亭序 乃爵禄可辟不必傍游泰華 永和九年歲在癸丑基春之初會于 遠求柱史此亦 有助於風 詠

一段定四庫全書

\_

經濟類編

欣俛仰之間已為陳迹猶不能不以之與懷況修短隨 之將至及其所之既倦情隨事遷感慨係之矣向之所 娛 與感之由若合一契未當不臨文嗟悼不能喻之於懷 躁不同當其欣於所遇暫得於已快然自足曾不知老 宙之大俯察品類之盛所以遊目騁懷足以極視聴之 室之內或因寄所託放浪形骸之外雖趣舍萬殊靜 終期於盡古人云死生亦大矣豈不痛哉每覽昔人 信可樂也夫人之相與俯仰一世或取諸懷抱晤言

**史足四車全書** 之功頗故可不出戶庭而坐照四表不勞時咨而物來 淡其志歷載構綴乃就斯文是以三五之篇著而獨鑒 遊萬國米覽其言車軌之所交人迹之所蹈靡不畢載 之視昔悲夫故列叙時人錄其所述雖世殊事異所以 因知 以為奏籍周秦之季其業隳廢莫有存者暨乎揚生沈 郭璞方言序 與懷其致一也後之覽者亦將有感於斯文 一死生為虛誕齊彭陽為妄作後之視令亦猶今 益聞方言之作出乎輶軒之使所以巡 超濟類編

死琰之取 俱後之瞻涉者可以廣寫多聞耳 之解觸事廣之演其未及摘其謬漏庶以燕石之瑜補 美乖重遭戰國約從連 横好惡殊心真偽紛爭故春秋 應劭風俗通序 見之奇書不刊之碩記也余少玩雅訓旁味方言復為 乖途而同致辨章風謠而區分曲通萬殊而不雜真洽 能名考九服之逸言標六代之絕語類離詞之指韻明 分為五詩分為四易有數家之傳並以諸子百家之言 昔仲尼没而微言闕七十子喪而大 卷五十二

義言通於流俗之過謬而事該之於義理也風者天氣 於俗間行語東所共傳積非習貫莫能原察今王室大 有寒暖地形有險易水泉有美惡草木有剛柔也俗者 句家有五六皆析文便辭彌以馳遠綴文之士 雜獎龍 壞九州幅裂亂靡有定生民無幾私懼後進益以迷昧 紛然殺亂莫知所從漢與儒者競復比誼會意為之章 聊以不才舉商所知方以類聚凡一十卷謂之風俗通 訓註說難轉相陵高積如丘山 可謂繁富者矣而至 厘齐類 編

或直或邪或善或淫也聖人作而均齊之成歸於正聖 於樂傳曰百里不同風千里不同俗戶異政人殊服由 此言之為政之要辨風正俗最其上也周秦常以歲八 氏之亡 遗脱漏棄無見之者蜀人嚴君平有千餘言林 百官命大师陳詩以觀民風俗孝經曰移風易俗莫善 含血之類像之而生故言語歌謳異聲鼓舞動作殊形 月遣輶軒之使求異代方言還奏籍之藏於秘室及贏 一展則還其本俗尚書天子巡行至于佐宗親諸侯見

**舒定四庫全書** 

ここりを シャラ 易令俗語云浮淺然賢愚所共咨論有似犬馬其為難 前不類不可類之故難思魅無形無形者不見不見故 最難孰最易曰犬馬 最難鬼魅最易犬馬旦養在人之 刊之書子實頑闍無能述演豈敢比隆於斯人哉顧惟 所發明猶未若爾雅之閎麗也張竦以為戀諸日月不 **述作之功故聊光啓之耳昔客為齊王畫者王問畫孰** 周章質問以次注續二十七年爾乃治正凡九千字其 翁孺才有梗概之法楊雄好之天下孝廉衛卒交會 經濟頻編

當是之時異行者有該異言者有禁防之又如此其備 也故二帝三王之際及其中間當更衰亂而餘澤末熄 十作者非一而言未 當不相為終始化之如此其至也 九州之廣萬民之衆千歲之遠其教既明其政既成之 曾鞏新序目錄序 明哲幸詳覽馬 矣并綜事宜於今者孔子稱幸苟有過人必知之俾諸 後所守者一道所傳者一説而已故詩書之文歷世數 古之治天下者一道徳同風俗益

一到好四月在言

卷五十二

藝皆得於散絕殘脫之餘世復無先王之道以 在皆絀而不講况至於春為世所大禁哉漢與 其所失天下之士各自為方而不能相通世人之 先王之教化法度既廢餘澤既熄世之治方術者 之時百家衆說未有能出其間者也及周之末世 益得其一 復知夫學之有統道之有歸也先王之遺文 中國皆明其所長而昧其所短矜其所得而 偏故人 奮其私意家尚其私學者議

|飲定四庫全書 奇可喜之論各師異見皆自名家者誕漫於中國 凡民也豪傑之士雖無文王猶與漢之士豈獨無 **敬而不知有折衷者也孟子 曰待文王而後** 王之道為衆說之所嚴問而不明鬱而不發而 美者楊雄氏或可耳如向之徒皆不免為衆說之 以来天下學者知折衷於聖人而能統於道德之 '者諸儒尚見傳記百家之言皆悦而嚮之故先 切不異於周之末世其弊至於今尚在也自斯 與者

豈好辯哉臣之所不得已也 往而在也要在慎取之而已故臣既惜其不可見 舜禹而次及於周秦以来古人之嘉言善行亦往 之士少故不能特起於流俗之中絕學之後也益 明先王之道以 向之序此書於今最為近古雖不能無失然遠 (而校其可見者特詳 馬亦足以知臣之攻其失 居士集序 之者哉亦其出於是時者豪傑 里門題日 夫言有大而非跨達者信

誇乎自春秋作而亂臣賊子懼孟子之言行而楊 之界人疑馬孔子曰天之將丧斯文也後死者不 墨之道廢天下以為是固然而不知其功孟子既 而禹之功與天地並孔子盖子以空言配之不已 得與於斯文也孟子曰禹却洪水孔子作春秋而 說至陋也而士以是周其上上之人僥倖一 没有申商韓非之學達道而趨利殘民以厚主其 即楊墨益以是 配禹也文章之得喪何與於天 切之

欽定四庫全書

卷五十二

害於其事作於其事害於其政者必不至若是烈 得志也使復有一孟子則申韓為空言作於其心 秦以是喪天下陵夷至於勝廣劉項之禍死者十 其本末權其禍福之輕重以救其惑故其學遂 靡然從之而世無大人先生如孔子孟子者推 九天下蕭然洪水之患恭不至此也方秦之未 楊墨得志於天下其禍豈減於申韓哉由此 雖以孟子配禹可也太史公曰益公言黄老 1.1. 旺唐麵鄉

氏者禮樂仁義之實以合於大道其言簡而明信 而通引物連類折之於至理以服人心故天下愈 晉以老莊亡梁以佛亡英或正之五百餘年而後 餘年而後得歐陽子其學推韓愈孟子以達於孔 乎自漢以來道術不出於孔子而亂天下者多其 是知邪説之移人雖豪傑之士有不免者況眾人 **敏定四庫全書** 賈誼見錯明申韓錯不足道也而誼亦為之予以 韓愈學者以愈配孟子益庶幾馬愈之後三百 卷五十二

能 爭自濯磨以通經學古為萬以救時行道為賢以 然師尊之自歐陽子之存世之不悅者謹而攻之 陽子之功為多嗚呼此豈人力也哉非天其孰 兵富而教之至天聖景佑極矣而斯文終有愧於 同曰歐陽子今之韓愈也宋與七十餘年民不知 古士亦因陋守舊論早而氣弱自歐陽子出天 Dailor Ation 顏納諫為忠長育成就至嘉祐末號稱多士歐 折困其身而不能屈其言士無賢不肖不謀而 经渐期编

詩文七百六十一篇於其子集乃次而論之曰 多灰四厚生書 子論大道似韓愈論事似陸勢記事似司馬 師友淵源所自復知誦習歐陽子之 風厲學者專治孔氏點異端然後風俗一 字水叔既老自謂六 一歐陽子沒十有餘年士始為新學以佛 周孔之真識者憂之頼天子明聖 似李白此非子言也天下之言也歐陽子韓 **表**五十 居士云 書子得 韶修取士

者可以為綸飛者可以為增至於龍吾不能知其乗風 皆已朽矣獨其言在耳且君子得其時則駕不得其時 孔子通周將問禮於老子老子曰子所言者其人與骨 1.17 L. 1.15 能飛魚吾知其能将獸吾知其能走走者可以為網游 身吾所以告子若是而已孔子去謂弟子曰鳥吾知 愚去子之騷氣與多故態色與淫志是皆無益於子之 則蓬累而行吾聞之良賈深藏若虚君子盛德容貌若 贈言七則 逐奇顶偏 Ī

一銀坑四库全書 **乗車兩馬一豎子俱適周問禮益見老子云辭去而老** 魯南宫敬叔言於魯君曰請與孔子適周魯君與之 雲而上天吾今日見老子其猶龍那 為人子者母以有已為人臣者母以有已孔子自周反 不能富貴獨仁人之號送子以言曰聰明深察而近於 於魯弟子稍益進馬 死者好議人者也博群廣大危其身者發人之惡者也 子送之曰吾聞富貴者送人以財仁人者送人以言吾

シーラー シエラ 吾聞反常移性者欲也故不可不慎也子路將行醉 必擇土居必擇處所以求士也遊必擇土所以脩道 晏子送之曰吾 聞君子贈人以財 不若以言今夫蘭本 曾子從孔子於齊齊景公以下鄉禮聘曾子固解將行 詳其所湛既得所湛亦求所湛吾聞君子居必 擇處遊 三年湛之以鹿醢既成則易以匹馬非蘭本美也願子 疆不遠不勞無功不忠無親不信無復不恭無禮慎此. 仲尼曰贈汝以車乎以言乎子路曰請以言仲尼曰不 超濟類編

子路行辭於仲尼曰敢問新交取親若何言寡可行若 侯曰公子將行矣獨無以教之乎曰且微君之命命之 **寡可行其信乎長為善士而無犯其禮乎** 何長為善士而無犯若何仲尼曰新交取親其忠乎言 臣故且有效於君夫貴不與富期而富至富不與梁 期而梁肉至梁肉不與驕奢期而驕奢至驕奢不與 原君謂平陽君曰公子年游於秦且東而辭應侯應

一般灾匹库全主

**基五十** →

五者可以長久矣

**欧定四車全書** 超消期期 君而樂乎善以國家之務為已任者乎愈雖不敢私其大恩抑不 伯之尊當不世之材而能與卑鄙庸陋相應答如影響是非忠乎 相遇于公不以其言為不可復書曰足下之言是也于公身居方 先達之士得人而記之則道德彰而名問流後進之士得人而託 韓愈送許郢州序 愈當以書自通於于公界數百言其大要言 之則事業顯而爵位通下有於乎能上有於乎位雖恒相求而不 死亡期而死亡至累世以前坐此者多矣應侯曰公子之所以教 之者厚矣僕得聞此不忘於心願君之亦勿忘也平陽君曰敬諾

之民也惠不可以獨厚觀察使亦曰某州之民天下之民也飲不 使刺史不私於其民觀察使不急於其賦刺史曰吾州之民天下 政財已竭而飲不休人已窮而賦愈急其不去為盜也亦幸矣誠 故於使君之行道刺史之事以為于公贈凡天下之事成於自同 可以獨急如是而政不均令不行者未之有也其前之言者子公 恒急於其賦不以情信乎州繇是刺史不安其官觀察使不得其 而敗於自異為刺史者當私於其民不以實應乎府為觀察使者 可不謂之知已恒矜而誦之情已至而事不從小人之所不為也 一次定四軍全書 而以規 民其足跡未嘗至城邑首有不得其所能自直於鄉里之吏者 乎心則一境之人懼大丈夫官至刺史亦榮矣雖然幽遠之小 贈崔復州序 有地數百里趟走之吏自長史司馬以下數十人 賢其誰能信之愈於使者非燕游||朝之好也故其贈行不以頌 其禄足以仁其三族及其朋友故僖樂乎心則一境之人喜不樂 也有以事乎上有以臨乎下同則成異則敗者皆然也非使君之 既已信而行之矣今之言者其有不信乎縣之於州猶州之於府 经清類领

其難為者將在於此乎愈當辱于公之知而舊游於崔 于州縣令不以言連帥不以信民就窮而敏愈急吾見 宣賦有常而民產無恒水早厲疫之不期民之豐約懸 自辨於刺史之庭乎由是刺史有所不聞小民有所不 足以蘇復人于公之賢足以庸崔君有刺史之祭而無 刺史之難為也崔君為復州其連帥則于公准君之仁 君慶復人之將蒙其休澤也於是乎言 鲜美况能自辩於縣吏乎能自辯於縣吏者鮮美况能

負 りゅん んこ

巻五十二

文色四色 人 耳今臣為進取者也臣以為廉不與身俱達義不與生 生高廉如鮑焦史鮨兼此三行以事王奚如王曰如是 足矣對曰足下以為足則臣不事足下矣臣且處無為 蘇代調燕昭王曰今有人於此孝如曾參孝已信如尾 事歸耕乎周之上地耕而食之織而衣之王曰何故 對日孝如曾参孝已則不過養其親耳信如尾生高 不過不欺人耳廉如鮑焦史鰌則不過不竊人之財 自解十一则 經濟類編

之善為事者先量其國之大小而終其兵之彊弱故功 者使無母去周室之上則諸侯不為別馬而朝矣臣聞 楚 取章武諸侯北面而 朝秦取西山諸侯西面而朝養 憂而足則臣亦周之負籠耳何為煩大王之廷邪告者 不出疏章三王代位五霸改政皆以不自憂故也若自 足乎對曰以自憂為足則秦不出殺函齊不出營丘楚 俱立仁義者自完之道也非進取之行也王曰自憂不 可成而名可立也不能為事者不先量其國之大小不

金女口唇有言

とこしか とこう 為上卿奉子車百乗子以此為寡人東游於齊何如對 罷於楚則齊軍可敗而河間可取燕王曰善吾請拜子 之重行年八十而求扶持故齊雖殭國也西勞於宋南 孫不得而乃以與無能之臣何也王之論臣何如人哉 獨伐齊之心而 愚臣知之王 曰子 何以知之對 曰於 戟 曰足下以愛之故與何不與愛子與諸舅叔父負狀之 砥劔登丘 東嚮而数是以愚臣知之今夫烏獲舉千釣 經濟額編

揆其兵之彊弱故功不可成而名不可立也今王有東

慮曰吾以此飲吾主父則殺吾主父以此事告吾主父 來於是因令其妾酌樂酒而進之其妾知之半道而立 妻曰勿憂也吾已為藥酒而待其來矣已而其丈夫果 婦其妻愛人其所愛者曰子之丈夫來則且奈何乎其 左右王曰安有為人臣盡其力竭其能而得罪者乎對 則逐吾主母與殺吾主父逐吾主母者寧伴躓而覆之 曰臣請為王譬昔周之上地害有之其丈夫宦三年不

多好四月全世

今臣之所以事足下者忠信也恐以忠信之故見罪於

賢主乎臣請行矣顧足下之無制於羣臣也 右也臣聞之曰萬來之主不制於人臣十來之家不制 出入遊戲僧於天子天子聞之心弗善也太后知常 梁孝王景帝母弟竇太后愛之令得自請置相二千石 於衆人匹夫徒步之士不制於妻妾而又况於當時之 酒今妾奉而仆之其丈夫不知缚其妾而笞之故妾所 於是因伴僵而仆之其妻曰為子之遠行來之故為美 以笞者忠信也今臣為足下使於齊恐忠信不前於左

文正日版 Alter

經濟領編

合從西鄉惟梁最親為艱難梁王念太后帝在中而諸 后曾弗省也夫前日呉楚齊趙七國反時自關以東皆 長公主而泣曰何梁王為人子之孝為人臣之忠而太 善乃怒梁使者弗見案責王所為韓安國為梁使見大 侯擾亂一言泣數行下跪送臣等六人将兵擊卻吳楚 小節 背禮責望梁王梁王父兄皆帝王所見者大故出 呉楚以故兵不敢西而卒破亡梁王之力也令太后以 稱蹕入言警車旗皆帝所賜也即欲以侘鄙縣驅馳國

次之四事を書 鄒陽獄中上梁王書 中以夸諸侯令天下盡知太后帝愛之也今孫使來頼 **弟不能相教乃為太后遺憂悉見梁使厚賜之其後** 后喜曰為言之帝言之帝心乃解而免冠謝太后曰兄 子孝為臣忠而太后弗恤也大長公主具以告太后太 案责之梁王恐日夜涕泣思慕不知所為何梁王之為 顯結于漢 王益親雖太后長公主更賜安國可直千餘金名由此 超濟額編 臣聞忠無不報信不見疑臣常

子畏之衛先生為泰畫長平之事太白蝕昴昭王疑之 實楚王則之李斯竭忠胡亥極刑是以箕子佯狂接與 衛先生復起而燕秦不悟也願大王熟察之昔王人飲 誠畢議願知左右不明卒從吏訊為世所疑是使判軻 胡亥之聽無使臣為箕子接與所突臣聞比干剖心子 避世恐遭此患也颇大王察王人李斯之意而後楚王 夫精誠變天地而信不諭兩主豈不哀哉今臣盡忠竭 以為然徒虛語耳昔者荆軻慕然丹之義白虹貫日太

鱼少口屋人

卷五十二

**燕王按劍而怒食以縣殿白圭顯於中山中山人惡之於魏** 是以蘇泰不信於天下為燕尾生白主戰亡六城為親 秦之燕籍荆軻首以奉丹事王舎去齊之魏臨城自到 とこの見という 魏也所以去二國死兩君者行合於志而裝義無窮也 取中山何則誠有以相知也蘇秦相燕人惡之於燕王 以却齊而存魏夫王奢樊於期非新於齊泰而故於熱 經濟類編 Ŧ

曰白頭如新 傾益如故何則知與不知也故典於期逃

**脊鸠夷臣始不信通今知之願大王熟察少加憐爲語** 

金大口屋石里 之私挾孤獨之交故不能自免於嫉妬之人也是以申 文侯文侯投以夜光之壁何則兩主二臣剖心折肝 委之以政甯威飯牛於車下而桓公任之以國此二人 折齒於魏卒為應侯此二人者皆信必然之畫捐朋黨 入朝見嫉昔者司馬喜臏即於宋卒相中山范雎摺脇 信豈移於浮辭哉故女無美惡入宫見妬士無賢不肖 **狄蹈雅之河徐衍負石入海不容身於世義不苟取** 周於朝以移主上之心故百里奚乞食於道路移公 相

Le mit it sout to be to 越為昆弟由余子藏是矣不合則骨內為警敵朱象管 於世緊奇偏之解哉公聽並觀垂明當世故意合則胡 霸中國齊用越人子藏而疆威宣此二國豈拘於俗產 計囚墨翟夫以孔墨之辨不能自免於讒諛而二國以 合於意堅如膠漆昆弟不能離豈感於東口哉故偏聽 危何則衆口鑠金碛毀銷骨也是以秦用戎人由余而 生奸獨任成亂昔會聽季孫之說逐孔子宋信子冉之 經濟類編

者豈素官於朝借譽於左右然後二主用之哉感於心

心此不可以虚解借也至夫秦用商鞅之法東弱韓魏 中國遂誅其身是以孫叔敖三去相而不悔於陵子仲 立殭天下而卒車製之越用大夫種之謀禽勁呉而霸 侯齊桓公用其仇而一匡天下何則慈仁殷勤誠嘉於 於天下何則從善無厭也夫晉文公親其警而殭霸諸 而不說田常之賢封比干之後修孕婦之墓故功業覆 不足侔而三王易為比也是以聖王覺悟捐子之之 心 蔡是矣令人主誠能用齊秦之明後宋魯之聽則五霸

金少口人人一

文色日東上 於道路衆莫不按劔相盼何則無因而至前也蟠木根抵 輪困離哥而為萬乗器者何則以左右先為之容也故 豈足為大王道哉臣聞明月之珠夜光之璧以暗投人 乘之權假聖王之資乎然則荆軻湛七族要離婚妻子 無因而至前雖出隋侯之珠夜光之璧祇足結怨而不 士則禁之犬 可使吹堯而跖之客 可使刺由 何況因萬 竟披心腹見情素隳肝膽施德厚終與之窮達無爱於 辭三公為人 雅園令人主誠能去縣做之心 懷可報之 經濟類編 幸力

軻之說而七首竊發周文王獵涇渭載吕尚而歸以王 奪乎衆多之口故秦皇帝任中庶子蒙嘉之言以信荆 精神欲開忠信輔人主之治則人主必襲按知相盼之 王制世御俗獨化於陶釣之上而不牽乎早解之語不 迹矣是使布衣之士 不得為枯木朽株之資也是以聖 窮居之士身在貧贏雖蒙堯舜之衔挾伊管之辯懷龍 逢比干之意欲盡忠當世之君而素無根抵之容雖竭 見徳有人先談則枯木朽株樹功而不忘今天下布衣

金月四月月十日

於威重之推存於位勢之貴回面污行以事諂諛之人 子不入邑號朝歌墨子迴車令欲使天下恢府之士誘 摩之語馳域外之議獨觀於昭曠之道也今人主 沈諂 而求親近於左右則士有伏死堀穴巖籔之中耳安有 不以私污義砥礪名號者不以利傷行故里名勝母節 焦所以忿於世而不留富贵之樂也臣聞盛飾入朝者 **詇之辭牽於惟牆之制使不羈之士與牛驥同卓此勉** 天下秦信左右而亡周用烏集而王何則以其能越拘

大飞四年 八十二

經濟類編

Í

於公孫弘李廣奮節於匈奴見排於衛青此忠臣之常 馮衍上光武疏 多好四月石雪 所為流涕也臣衍自惟微賤之臣上無無知之薦下無 则 嫌豈不難哉臣衍之先祖以忠貞之故成私門之禍而 馬唐之說乏董生之才寡李廣之勢而欲免讒口齊怨 盡忠信而趨闕下者哉 疏譽之則親以文帝之明而魏尚之忠繩之以法 罪施之以德則為功逮至晚世董仲舒言道德見好 臣伏念高祖之略而陳平之謀毀之 表五十二 則

\*\* 養與機議横世益富贵易為善貧賤難為工也疏遠隴 大王四日 二十二 出無與馬之飾於今遭清明之時躬力行之秋而怨雠 食禄二十餘年而財産啟狹居處日貧家無布帛之 本業之臣自惟無三益之才不敢處三损之地固讓而 臣行復遭擾攘之時值兵革之際不敢回行求時之利 不受之昔在更始太原執貨財之柄居倉卒之 密内自修教外遠嫌疑故敢與交通與知臣之貧數欲 事君無傾邪之謀將帥無虜掠之心衞尉陰與敬慎周 起济频编 間據位 巷

**教未過而德澤有加天下所見也臣等獨何譏刺哉假** 皆有以致之故不可以誅於人也且陛下即位以來政 善則天下之善成歸馬其不善則天下之惡亦萃馬斯 畝之臣無望高闕之下惶恐自陳以枚罪九 多少口是人工工 史坦如日月是為直說書傅實事非虛謗也夫帝者為 此事而虚加經之也至於孝武皇帝政之美惡顯在漢 孔僖上章帝疏 使所非實是則固應悛改儻其不當亦宜含容又何罪 臣之愚意以為凡言誹謗者謂實無 卷五十二

الملفيل المسال المدالية 恨蒙枉不得自叙使後世論者擅以陛下有所方凡寧 帝遠諱實事豈不與桓公異哉臣恐有司卒然見構街 唱管仲然後羣臣得盡其心令陛下乃欲以十世之武 所以不爱其死猶敢極言者誠為陛下深惜此大業陛 等受戮死即死耳 顧天下之人心回 視易應以此關陛 馬陛下不推原大数深自為計徒肆私忿以快其意臣 下心自今以後茍見不可之事終莫敢復言者矣臣之 下若不自惜則臣何赖馬齊桓公親楊其先君之惡以 經濟類編 三九

金人口屋人 **营郡以訪誅納所省之費一億以上以為忠臣之義不** 皇甫規上順帝疏 前踐州界先奏郡守孫馬次及屬國都尉李爲督軍 史張稟旋師南征又上涼州刺史郭閎漢陽太守趙熹 敢告劳故恥以片言自及微劾然凡方先事庶免罪悔 及涇陽信都懼敗朝廷西顧明詔不以臣愚驚急使軍 可復使子孫追掩之乎 謹詣闕伏待重誅 道幸蒙威靈遂振國命羌戒諸種大小稽首輒移書 四年之秋戎醜蠢戾爰自西州侵 表五十

官則文簿易考就臣愚惑信如言者前世尚遺匈奴以 ていかい ノントラ 來將出不少覆軍有五動資巨億有旋車完封寫之 之才略兵家之所貴將有何罪負義這理乎自永初以 宫姬鎮烏孫以公主今臣但費千萬以懷叛羌則良臣 之恥載贄馳車懷糧步走交構豪門競流誇端云臣私 報諸羌謝其錢貨若臣以私財則家無擔石如物出於 至小吏所連及者復有百餘吏託報將之怨子思復父 超濟類編 四十

陳其過惡執據大辟凡此五臣支黨半國其餘墨綬下

上 **虞詡代陳禪為司隸校尉數月間奏太傅馮石太尉劉** 交離親發辱舊故衆謗陰害固其宜也臣雖污穢廉潔 曰法禁者俗之堤防刑 罰者人之御轡令州曰任郡 意中常侍程璜陳東孟生李閏等百官則日號為 引 無聞今已覆沒恥痛實深傳稱應死不擇音謹冒昧略 門而名成功立厚如爵封今臣還督本土紀舉諸郡絕 三公劾奏謝盛夏多拘緊無辜為吏人患謝上書自訟

舒定四库全書

**基五十二** 

大型四十十十二 指東觀著作遂與**孝儒並拜議郎沐谷恩澤承答**聖問 於邕戍邊上章 尹輦我句日之中 登躡上列父子一門兼受恩寵不能 前後六年質奉機密趨走目下遂竟端右出相好藩還 借數典職以权父故衛尉質時為尚書召拜郎中受詔 史魚死即以尸諫耳 臣邕被受陛下尤異大恩初由宰府 經濟類編

所發舉臧罪非一二府恐為臣所奏遂加誣罪臣將從

曰任縣更相委遠百姓怨窮以茍容為賢盡節為愚臣

生出牢户顧念元初中故尚書郎張俊坐漏泄事當伏 惡所當復蒙非臣辭筆所能復陳臣初決罪維陽詔 邊方完全軀命喘息相隨非臣無狀所敢復望非臣罪 解抱悲無由上達既到徙所來塞守烽職在候望憂怖 上書謝恩遂以轉徙郡縣促遣編於吏手不得項息含 重刑已出投門復聴讀鞠詔書馳救一等輸作左校俊 地之徳不忍刀鋸截臣首領得就平罪父子家屬徙充 輸寫心力以效絲髮之功一旦被章陷沒辜戮陛下天 卷五十二

金月口月八十十

悉粗見首尾積累思維二十餘年不在其位非外吏庶 先治律思以籌筹為本天文為驗請太師舊注考校連 錄遂與議郎張華等分受之所使元順難者皆以付臣 傅胡廣知臣頗識其門户略以所有舊事與臣雖未備 人所得擅述天誘其夷得備著作即建言十志皆當撰 王莽而世祖以來唯有 紀傳無續志者臣所師事故大 謝但愚心有所不竟臣自在布衣常以漢書十志下書 焦灼無心復能操筆成章致章閥庭誠知聖朝不責臣 7 超濟類編

一次定四車全書

參思圖牒弄釋通有頭角會臣被罪遂放邊野臣竊自 年往往頗有差舛當有增損乃可施行為無窮法道至 須刑竟乃因縣道具以狀聞今年七月九日匈奴始攻 廢絕不得究竟慢慢之情猶以結心不能這望臣初 欲 深微不敢獨議郎中劉洪密於用等故臣表上洪與共 絕不言四夷相與合謀所圖廣遠恐遂為變不知所濟 郡鹽池縣其時鮮甲連犯雲中五原一月之中烽火 一為不善使史籍所閥胡廣所校二十年之恩中道

所當依據分別首目并書章左臣初被考妻子并竄亡 推求諸奏參以璽書以補綴遺闕昭明國體章聞之後 失文書無所案請加以惶怖愁恐思念荒散十分不得 志所無臣欲著者三及經典羣書所宜据摭本奏記書 先颠踣科係諸志臣欲制刪定者一所當接續者四前 郡縣咸懼不守朝旦臣所在孤危懸命鋒鏑湮滅土灰 呼吸無期誠恐所懷隨軀腐朽抱恨黃泉遂不設施謹 所識者又恐謬誤觸冒死罪披散愚情願下東觀

次定四車全書

經濟類編

曹操迎天子都許乃下詔書責表紹以地廣兵多而專 於今況之乃知妄作何者臣出身為國破家立事至於 昔有哀歎而霜陨悲哭而崩城者每讀其書謂為信然 白 霜之應故鄒衍犯婦何能感徹臣以負薪之資拔于陪 **隷之中奉職憲臺擢授戎校常侍張讓等滔亂天常侵** 懷忠複繁抱信見疑晝夜長吟剖肝泣血曾無崩城 樹黨不聞勤王之師而但擅相討伐紹上書 臣 闡 隕

肝腦流離白骨剖破無所復恨惟陛下省察

欽定四庫全書 奮擊內腿曾不液灰罪人斯珍此誠愚臣致命之一 也會董卓來虚所圖不軌臣父兄親從並當大位不煩 室焚燒陛下聖德幼沖親遭厄困時進既被害師徒喪 義心赫怒以臣頗有一介之節可責以屬大之功故授 進合圖事無違異忠策未盡而元帥受敗太后被貨官 臣以督司諮臣以方略臣不敢畏憚彊禦避禍求福 李朝威賊害忠德扇動好黨故大將軍何進忠國疾礼 臣獨將家兵百餘人抽戈承明竦匈異室虎叱羣司 紅濟須編

之情循知號呼臣所以蕩然忘哀貌無隱戚者誠以忠 之與卓未有繼本之嫌若使茍欲滑泥揚波偷祭求利 卓方貪結外援招悦英豪故即位勃海申以軍號則臣 故真州牧韓馥懷挾迷謀欲專推執絕臣軍糧不得 則進可以饗竊祿位退無門户之患然臣愚所守志無 係至使猾勉肆毒害及一門剪甲大小同日并發鳥獸 倾奪故遂引會英雄與師百萬飲馬孟津歃血漳河會 室之禍苟惟寧國之義故遂解節出奔創謀河外 時

| 改定四車全書 祖先臣以來世作輔弼咸以文徳盡忠得免罪戾臣 臣備公族子弟生長京輦順聞俎豆不習干戈加自乃 掠北境臣即星駕席卷與瓒交鋒假天之威每戰輒克 實融以議郎曹操推領兖州收會公孫瓚師旅南馳陸 **並域臣乃旋師奉辭代畔金鼓未震狡敵知亡故韓馥** 狗國之二驗也又黃巾十萬焚燒青充黑山張揚蹈籍 臣之節道不兩立顧私懷已不能全功斯亦愚臣破家 懷懼謝各歸土張楊黑山同時乞降臣時輒承制竊凡 超濟類編

趙岐銜命來征宣明陛下含弘之施蠲除細故與下更 名懷持二端優游顧堂旨列土錫圭跨州連郡是以遠 新奉站之日引師南轅是臣畏怖天威不敢怠慢之三 秋所貶苟云利國專之不疑故冒踐霜雲不憚劬勤實 與避角戎馬之勢爭戰陣之功者也誠以賊臣不誅春 驗也又臣所上將校率皆清英宿德令名願達登鋒履 刃死者過半勤恪之功不見書列而州郡牧守競盜聲 捷之福以立終身之功社稷未定臣誠恥之太僕

大元日后人上 盡忠為國飜成重愆斯蒙恬所以悲號於邊獄白起啟 重禮以希形弓兹矢之命哉誠傷偏裡列校勤不見紀 臣爵為通侯位二千石殊恩厚徳臣既叨之豈敢閱閱 疑衆望斯豈腹心之遠圖將乃讒慝之邪說使之然也 者義之所感故也令賞加無勞以攜有徳杜默忠功以 心志士愤惋是以忠臣肝腦塗地肌膚横分而無悔心 卒之時功多者實厚陛下播越非所洛邑之祀海内係 近狐疑議論紛錯者也臣聞守文之世德高者位尊倉 經濟頻編

**棘議臣罪戾若以臣今行推為賽則桓文當有誅絕之** 金为四月八十世 雖 **讓主令臣骨肉兄弟還為讐敵交鋒接刃攝難滋甚臣** 小人志守一介若使得申明本心不愧先帝則伏首歐 刑若以衆不討賊為賢則趙盾可無書弒之貶矣臣雖 命寵任非所凡所舉用皆衆所捐棄而容納其策以為 教於社部也太傅日磾位為師保任配東征而耗亂王 欲釋甲投戈事不得已誠恐陛下日月之明有所不 四聰之聽有所不聞乞下臣章咨之季賢使三槐九 **基五十二** 

成誠信姐絕防風之發將誰歸乎憲神色侃然泣而對 恭行乾憲拯兹黎元羁禧咸散慶謝交路二君齊惡傲 嵩等莫不謝罪軍門責賂交錯惟憲及首綽恬然私室 . J. 17 ... J. 1. 1. 勒素聞其名名而謂之曰王浚虐暴幽州人鬼同疾孤 王沒承制以裴憲為尚書懷帝時王沒為石勒所破東 論無令愚臣結恨三泉 曰臣等世荷晉榮恩遇隆重王後玄廳醜正尚晉之 但清烦的 里

刀赛衣就雙臣之願也惟陛下垂尸鳩之平絕邪諂之

一致定匹库全書 勒深嘉之待以賓禮勒乃簿王浚官寮親屬皆赀至巨 高容在倒戈之例也明公既不欲以道化属物必於刑 萬惟憲與荀綽家有書百餘衰鹽米各十數斛而已勒 藩雖欣聖化義岨誠心且武王伐紂表商容之閏未聞 聞之謂其長史張賓曰名不虛也吾不喜得幽州喜獲 忍為始者防風之戮臣之分也請就辟有司不拜而出 江淹詣建平王上書 二子署從事中郎 表五十二1 昔者賤臣叩心飛霜擊於燕地

者乎竊慕大王之義復為門下之賓備鳴盗淺術之餘 承明之闕出入金華之殿 何當不局影凝嚴側身高禁 不飾詩書以驚愚進不買名聲於天下日者謬得升 右少加憐察下官本莲户桑樞之人布衣章帶之士退 流涕何者士有一定之論女有不易之行信而見疑貞 而為發是以壯夫義士伏死而不顧者此也下官聞仁 不可恃善不可依謂徒虚語乃今知之伏願王整停左

庶女告天振風襲於齊臺下官每讀其書未嘗不察卷

一大之四年公士司

經濟類編

辱虧形次之每一念來忽若有遺加以涉旬月迫季秋 一黃金之賜竊感豫讓國士之分矣常欲結纓伏知少謝 墮照憲身限幽園履影界心酸鼻痛骨下官聞虧名為 譽然當聞君子之行矣其上則隱於廉肆之間臥於嚴 天光沈陰左右無色身非木石與獄吏為伍此少卿所 豫三五賤伎之末大王恵以恩光顧以颜色實佩荆卿 仰天槌心泣盡而繼之以血者也下官雖乏鄉曲之 剖心摩踵以報所天不圖小人固陋坐貽謗歌迹 卷五十二

或如是况在下官馬能自免昔上將之恥絳侯幽獄名 直生取疑於盜金近則伯魚被名於不義彼之二子猶 越之君繁單于之頸俱啓丹冊並圖青史寧當爭分寸 石之下次則結經金馬之庭高議雲臺之上退則房南 辭禄而不迈接與之賢行歌而忘歸子陵閉關於東越 臣之羞史建下室至如下官當何言哉夫以魯連之智 )末競錐刀之利哉下官聞積毀銷金積讒磨骨遠則 蔚杜門於西秦亦良可知也若使下官事非其虚罪

文主四華全十日

經濟類編

罕九

節之人無趙悲歌之士乎方今程歷欽明天下樂業青 得其實亦 當鉗口吞舌 伏七首以殞身何以見齊魯奇 多クログイニ 事以聞 将格榮光塞河西泊臨洮狄道北距飛狐陽原莫不 經濟類編卷五十二 首總亭之鬼無恨於灰骨不任肝膽之切敬因執 足悲者仰惟大王少垂明白則捂丘之魂不 義的景飲體而下官抱痛園門含憤飲户

經濟類編卷五十四

詳校官中書屋 照

主事臣祁韻士覆勘 校對官侍讀臣 總校官知縣臣

謄録監生臣 魏絕曾

張

燾

繆

琪

大正司軍在 ?群客有歌于郢中者其始曰下 經濟類編 問於宋玉曰先生其有遺行 不王對曰难然有之願 馮琦馮瑗 4 ı

哉故非獨鳥有鳳而魚有鰓也士亦有之夫聖人瑰意 豈能與之料天地之高哉熙魚朝發崑崙之墟恭譽於 是其曲彌高其和彌寡故鳥有鳳而魚有鯤鳳凰上擊 碣石暮宿於孟諸夫尺澤之鯢豈能與之量江海之大 和者數百人其為陽春白雪國中屬而和者不過數十 巴人國中屬而和者數千人其為陽阿薤露國中屬而 九千里絕雲霓貞蒼天翱翔乎杳冥之上夫藩籬之鷃 引商刻羽雜以流徵國中屬而和者不過數人而已

金万四月人言

三年於兹矣今先生進無以輔治退不揚主譽竊為先 一視靡曼之色耳不聽鐘鼓之音虚心定志欲聞流議者 Profile In 地將以輔治寡人誠竊嘉之體不安席食不甘味目不 之上風興夜寐未嘗或怠也今先生率然高舉遠集具 三年矣吳王惟而問之曰寡人獲先人之功寄於求賢 往古以廣主意退不能楊君美以顯其功默然無言者 漢東方朔非有先生論 琦行起然獨處世俗之民又安知臣之所為哉 更有頭湯 非有先生仕於吳進不能稱

於铁而王子比干直言於約此二臣者皆極慮盡忠関 主孰能聽之矣吳王曰何為其然也中人以上可以語 或有忧於目順於耳快於心而毀於行者非有明王聖 容易夫談者有悖於目而拂於耳謬於心而便於身者 上也先生試言康人將覽馬先生對曰昔關龍逢深諫 以談矣寮人將竦意而覽馬先生曰於戲可乎哉談何 也意者暴人殆不明乎非有先生伏而唯唯呉王曰可 生不取也蓋懷能而不見是不忠也見而不行主不明

多好四庫全書

米五十三

據殺戮賢臣親近護夫詩不云乎讓人問極交亂四國 之人並進遂及飛廉惡來華等二人皆許偽巧言利口 為天下笑故曰談何容易是以輔弼之臣瓦解而邪謟 行無人臣之禮果紛然傷於身蒙不辜之名戮及先人 欲以苟容為度遂往不戒身没被戮宗廟崩弛國家為 以進其身陰奉彫琢刻鏤之好以納其心務快耳目之 主澤不下流而萬民騷動故直言其失切諫其邪者將 以為君之榮除主之禍也今則不然反以為誹謗君之

陽之下後世稱其仁如是邪主之行固足畏也故曰談 之風亦可以樂而忘死矣是以伯夷叔齊避周餓於首 居深山之間積土為室編蓬為戸彈琴其中以詠先王 邪主之心歷於衰世之法故養壽命之士莫肯進也遂 何容易於是呉王戄然易容捐薦去几危坐而聽先生 深言直諫上以拂人主之邪下以損百姓之害則忤於 主上之治即志士仁人不忍為也將假然作矜莊之色

此之謂也故軍身賤體說色微靜愉愉煦煦終無益於

卷五十五

次での事となる 其身推思以廣其下本仁祖義優有德祿賢能誅惡亂 謀無不成計無不從誠得其君也深念遠慮引義以正 總遠方一統類美風俗此帝王所由昌也上不變天性 **憤畢誠圖畫安危揆度得失上以安主體下以便萬民** 和五味以干湯太公釣於渭之陽以見丈王心合意同 则五帝三王之道可幾而見也故伊尹蒙耻辱負鼎俎 其身者也使遇明王聖主得賜清燕之間宽和之色發 曰接與避世箕子披髮佯狂此二子者皆避濁世以全 經濟頻站

**費損車馬之用放鄭聲遠传人省庖厨去侈靡早宮館** 穆然倪而深惟仰而泣下交順曰嗟乎余國之不亡也 世民到于今稱之以遇湯與文王也太公伊尹以如此 之位舉賢才布德惠施仁義賞有功躬節儉減後宮之 龍逢比干獨如彼豈不哀哉故曰談何容易於是吳王 職既加矣於是裂地定封爵為公侯傳國子孫名顯後 綿綿連連殆哉世之不絶也於是正明堂之朝齊君臣 下不奪人倫則天地和洽遠方懷之故號聖主臣子之

|周之楨濟濟多士文王以寧此之謂也 次での事人はか 來郊甘露既降朱草萌芽遠方異俗之人嚮風慕義各 君人者莫肯為也臣愚竊以為過故詩曰王國克生惟 奉其職而來朝賀故治亂之道存亡之端若此易見而 寒之色家給人足畜猜有餘囹圄空虚鳳凰來集麒麟 **香老恤孤獨薄賦斂省刑罰行此三年海内晏然天下** 壊苑圓塡池塹以與貧民無産業者開內藏賬貧窮吞 大治陰陽調和萬物咸得其宜國無灾害之變民無饋 经海损编

者尚有遺行邪同胞之徒無所容居其故何也東方先 生喟然長息仰而應之曰是固非子之所能知彼一 聖帝曠日持久積數十年官不過侍郎位不過執或意 智能海内無雙即可謂博聞辨智矣然悉力盡忠以事 齒落服膺而不可釋好善樂道之效明白甚矣自以為 身都鄉相之位澤及後世今子大夫修先王之術慕聖 答客難 (之議與誦詩書百家之言不可勝記者於竹帛唇傷 客難東方朔曰蘇秦張儀一當萬乘之主而

多グロんと言

侯不朝力政爭權相擒以兵并為十二國未有雌雄得 則苦尊之則為将甲之則為屬抗之則在青雲之上抑 遵天之道順地之理物無不得其所故綏之則安動之 均合為一家動發舉事猶運之掌賢與不肖何以異哉 震指諸侯屬服連四海之外以為带安於覆盂天下平 士者强失士者亡故說得行馬自處尊位珍寶充內外 也此一時也豈可同哉夫蘇秦張儀之時周室大塘諸 有倉廩澤及後世子孫長享今則不然聖帝徳流天下

苟能脩身何患不荣太公體行仁義七十有二逢文王 **身乎哉詩曰鼓鍾于宮聲聞於外鶴鳴九舉聲聞于天** 有賢者無所立功故曰時異事異雖然安可以不務脩 乎傳曰天下無害雖有聖人無所施其才上下和同雖 秦張儀與僕並生於今之世,曾不得掌故安敢望侍郎 之則向深渊之下用之則為虎不用則為鼠雖欲盡節 效情安知前後夫天下之大士 民之衆竭精馳說並進 輻輳者不可勝數悉力慕之困於衣食或失門户使蘇

| 欽定四庫全書

修學敏行而不敢怠也譬若鶺鴒飛且鳴矣傳曰天不 **闡舉大徳赦小過無求備於一人之義也枉而直之使** 子有常行君子道其常小人計其功詩云禮義之不愆 子不為小人之匈匈而易其行天有常度地有常形君 為人之惡寒而輟其冬地不為人之惡險而輟其廣君 得信其說封于齊七百歲而不絕此士所以日夜孽孽 所以敬明鼓纊充耳所以塞聰明有所不見聰有所不 何恤人之言水至清則無魚人至察則無徒晃而前旒 經濟類論

**ፊ**定區庫全書 **筦窺天以蘇測海以箕撞鍾豈能通其條貫考其文理** 海内定國家安是遇其時者也子又何恠之耶語曰以 食其之下齊就行如流曲從如環所欲必得功若丘山 宜也子何疑於予哉若夫燕之用樂毅秦之任李斯郡 同范蠡忠合子胥天下和平與義相扶寡偶少徒固其 時雖不用塊然無徒廓然獨居上觀許由下察接與計 人之教化如此欲其自得之則敏且廣矣今世之處士 自得之優而柔之使自求之揆而度之使自索之盖聖

遭明盛之世處不諱之朝與羣賢同行歷金門上玉堂 |懐人之符分人之禄 紆青拖紫朱丹其轂今吾子幸得 有日矣曽不能畫一竒出一策上說人主下談公卿目 生則已生必上尊人君下榮父母析人之珪儋人之爵 楊雄解嘲 發其音聲哉由是觀之譬猶隨馳之襲狗派脈之咋虎 至則靡耳何功之有今以下愚而非處士雖欲勿困圓 不得已此適足以明其不知權變而終感於大道也 客嘲揚子曰吾聞上世之士人綱人紀不 經濟類編

一多定四库全書 者貧橋翼属翻恣意所存故或自盛以索或鑿坏以過 子笑而應之曰客徒欲朱丹吾數不知一跌將赤吾之 魔給事黃門意者元得無尚白乎何為官之拓落也楊 出着天大者含元氣細者入無間然而位不過侍郎擢 分五剖並為戰國士無常君國無定臣得士者富失士 族也往者周網解結羣應爭逸離為十二合為六七四 五千文枝葉扶蹂獨説四十餘萬言深者入黄泉高者 如耀星舌如電光一從一橫論者莫當顧默而作太玄

者皆擬於阿衡五尺童子羞比晏嬰與夷吾當途者升 ク. T. ここ 青雲失路者委溝渠旦握權則為卿相夕失勢則為匹 區家家自以為稷契人人自以為專陶戴維垂纓而談 月結以倚廬天下之士雷動雲合魚鱗雜襲咸管于心 是故鄒衍以頡頏而取世資孟軻雖連塞猶為萬來師 夫隱若江湖之崖渤澥之島來鴈集不為之多雙尾飛 今大漢左東海右渠搜前番禺後陶塗東南一尉西北 候徽以糾墨制以鎖鉄散以禮樂風以詩書曠以嚴 經濟類編

十說而不遇或立談而封侯或枉千乘於陋巷或擁篲 而不足世治則庸夫高枕而有餘夫上世之士或解縛 句之徒相與坐而守之亦無所患故世亂則賢哲馳騖 事也非蕭曹子房平勃樊霍則不能安當其無事也章 睢以折摺而危穣侯蔡澤以喋吟而笑唐舉故當其有 吳亡種蠡存而越霸五投入而秦喜樂毅出而燕懼范 而相或釋褐而傅或倚夷門而笑或橫江潭而漁或七 不為之少昔三仁去而殷墟二老歸而周熾子胥死而

一多定四库全書

卷五十三

之家鬼服其室攫拏者亡默默者存位極者高危自守 隆者絕觀雷觀火為盈為實天收其聲地藏其熱高明 得待詔下觸聞罷又安得青紫且吾聞之炎炎者滅隆 策非甲科行非孝康舉非方正獨可抗疏時道是非高 而同聲欲步者擬足而投跡嚮使上世之士處乎今世 相不倪眉言竒者見疑行殊者得辟是以欲談者卷舌 所訟也當今縣令不請士郡守不迎師羣鄉不揖客將 而先驅是以士頗得信其舌而奮其筆室隙蹈瑕而無

次至四年全十二 門

經濟類編

者身全是故知玄知默守道之極爰清爰静游神之庭 惟寂惟漢守徳之宅世異事變人道不殊彼我易時未 金少四人人 亦病乎子之笑我女之尚白吾亦笑子病甚不遇食跗 索翁肩蹈背扶服入豪激昂萬乘之主介涇陽抵穰侯 與扁鹊也悲大客曰然則靡玄無所成名乎范蔡以下 知何如今子乃以鸱桌而笑鳳凰執蝘蜓而嘲龜龍不 而代之當也蔡澤山東之匹夫也頗順折頻涕唾流沫 何必玄哉揚子曰范睢魏之亡命也折脇摺髂免於微

沙全四車全面 人 成周之世則繆矣有談范蔡之說於金張許史之間則 蕭何造律宜也故有造蕭何之律於唐虞之世則恃矣 遂作君臣之儀得也呂刑靡敝秦法酷烈聖漢權制 而 也天下已定金革已平都於洛陽婁敬委翰脫較掉三 有作叔孫通儀於夏殷之時則感矣有建異敬之策於 三王傳禮百世不易叔孫通起于她鼓之問解甲投戈 寸之舌建不拔之策舉中國從之長安適也五帝垂典 **西揖强秦之相搤其咽而亢其氣拊其肖而奪其位時** 經濟額站

期乎合口工聲調於比耳今吾子乃抗解幽說閱意眇 蘭生收功於章 臺四皓采榮於南山公孫創業於金馬 於可為之時則從為不可為於不可為之時則凶若夫 **坻隤雖其人之贍智哉亦會其時之可為也故為可為** 狂矣夫蕭規曹随留侯盧策陳平出奇功若泰山響若 驃騎發跡於祁連司馬長卿竊貲於卓氏東方朔割矣 於細君僕誠不能與此數子並故默然獨守吾太玄 客難楊子曰凡著書者為眾人之所好也美味

金ケロ人とう

次定四車全套 翼疾風虚樂而上升則不能撠膠葛騰九閎日月之經 翠虬絳螭之将登乎天必聳身於蒼梧之淵不階浮雲 一解延玉延金彼豈好為艱難哉勢不得已也獨不見夫 閎言崇議幽傲之塗蓋難與覽者同也昔人有觀象於 者置於無形弦者放於無聲殆不可乎楊子曰俞若夫 |茲年矣而殊不寤蛊費精神於此而 煩學者於彼譬書 天视度於地察法於人者天麗且彌地普而深昔人之 經濟類編

指獨馳騁於有亡之際而陶冶大鑪菊薄羣生歷覽者

辭之衍者不可齊於庸人之聽今夫弦者高張怠徹追 者不可同於衆人之耳形之美者不可混于世俗之目 潤則不足以楊鴻烈而章緝熙盖胥靡為字寂寞為戶 經以八卦文王附六爻孔子錯其象而彖其解然後發 能浡滃雲而散敵蒸是以灾義氏之作易也綿絡天地 天地之藏定萬物之基典謨之篇雅頌之聲不温純深 不千里則不能燭六合耀八紘泰山之高不噍嶢則不 大味必涘大音必希大語叫叫大道低囬是以聲之眇

金グロ人

淡定四年全十二 有不易之分亦云名而巳矣故太上有立徳其次有立 班固實戲 功夫徳不得後身而特威功不得背時而獨彰是以聖 睹也老聃有遗言贵知我者希此非其操簌 簫韶詠九成則莫有和也是故鍾期死伯牙絕紋破琴 超逐耆則坐者不期而附矣試為之施咸池榆六莖發 之詢鐘俟知音者之在後也孔子作春秋牋君子之前 而不肯與眾鼓獲人亡則近石輟介而不敢妄斷師曠 **屬戲主人曰盖聞聖人有一定之論烈士** 經濟額編

者影駁聞之者響震徒樂桃經籍書紆體衙門上無所 雖馳辯如波濤搞藻如春華猶無益於殿最也意者且 矣卒不能摅首尾奮翼麟振拔灣塗跨騰風雲使見之 王之世躬带紱晃之服浮英華湛道徳轡龍虎之文舊 者昔人之上務著作者前列之餘事耳今吾子幸遊帝 哲之治棲棲遑遑孔席不暖墨突不默由此言之取舍 蒂下無所根獨據意乎宇宙之外銃思於毫芒之內潛 默記絕以年歲然而器不實於當己用不效於一

自りいし

虞卿以顧盼而捐相印夫啾發投曲感耳之聲合之律 之其餘於飛景附雲煜其問者盖不可勝載當此之時 **觀分裂諸夏龍戰虎爭遊說之徒風趣電激並起而救** 王塗蕪穢周失其駅候伯方軌戰國横舊於是七雄旭 道德之實守変異之熒燭未仰天庭而都白日也曩者 優乎主人逾爾而笑曰若廣之言所謂見世利之華閣 運朝夕之策定合會之計使存有顯號亡有美溢不亦 搦朽磨鈍鉛刀皆能一斷是故鲁連飛一矢而蹶千金 经消频编

乎且功不可以虚成名不可以偽立韓設辨以徼君呂 行詐以實國說難既道其身乃囚秦負既貴殿宗亦墜 沛之勢據徼季邪以求一日之富貴朝為榮華夕而顦 鑽孝公李斯奮時務而要始皇彼皆躡風塵之會履顛 人合之衙人散之亡命漂説羈旅騁辭商鞅挾三策以 會風移俗易乖迕而不可通者非君子之法也及至從 **頓福不盈眥禍溢於世凶人且以自悔况吉士而是頼** 

**敏定匹库 全書** 

度淫蠅而不可聽者非部夏之樂也因勢合變偶時之

卷五十三

論戰國曜所聞而疑所觀欲從登敦而度高乎泰山懷 祭天地而施化豈云人事之厚薄哉今吾子處皇代而 莫不同源共流沐浴玄德栗仰太和枝附葉著譬猶草 **木之植山林鳥魚之毓川澤得氣者蕃滋失時者零落** 之如日威之如神函之如海養之如春是以六合之内 南紘恢皇綱基隆於羲農規廣於黃唐其君天下也炎 アス・ジョネ ペニ・マ **潤哉道不可以二也方令大漢灑掃 羣穢夷險芟荒廓** 是以仲尼抗浮雲之志孟軻養浩然之氣彼豈樂為迁 短減頻端

名可述於後者點而已乎主人曰何為其然也昔者咎 儒林劉向司籍辯章舊闡揚雄譚思法言太玄皆及時 無窮之熟也近者陸子優游新語以與董生下惟發落 垠皆俟命而神交匪詞言之阶信故能建必然之策度 **儼同望兆動於渭濱齊霉激聲於康衢漢良受書於邳** 繇謨虞箕子訪問言通帝王謀合神聖殷説夢發於傅 周之凶人跃聞命矣敢問上古之士處身行道輔世成 汎濫而測深乎重淵亦未至也實曰若夫鞅斯之倫衰

多方四月全書

之壁韞於荆石隋侯之珠藏於蚌蛤丹歷世莫眠不知 一命共已味道之腴神之聽之名其舍諸賓又不聞和氏 Kr. Mine line ·籍之围以全其質而發其文用納乎聖徳烈炳子後人 之綱有同有異聖哲之常故曰慎修所志守廟天符委 斯非亞歟若乃伯夷抗行于首陽柳惠降志而辱仕頹 師表也且吾聞之一陰一陽天地之方乃丈乃質王道 **耽樂於單數孔終篇於西狩聲盈塞於天淵真吾徒之** 君之門間究先聖之壺與婆安将藝之場休息乎篇 经有契编

魚龜媒之不覩其能奮靈使合風雲超忽荒而跋昊蒼 金烷四库全書 於鍼石研桑心計於無垠走亦不任厠技於彼列故客 於谷斤良樂軼能於相取烏獲抗力於千鈞和鵲發精 於管紋離異則目於毫分逢蒙絕技於派天般輸推巧 隋之珍也時閣而久章者君子之真也若乃牙曠清耳 也故夫泥蟠而天飛者應龍之神也先賤而後贵者和 其將含景曜吐英精曠千載而流光也應龍潛於潢汙 卷五十三

景特立與士不羣盖高樹靡陰獨木不林隨時之宜道 20 5 .... / 12 m **貴從凡于時太上運天徳以君世憲王僚而布官臨雅** 不黨以讚已退不騎於庸人獨師友道德合符囊負抱 潛隱之無源然下不歩卿相之庭上不登王公之門進 有日俯鉤深於重淵仲探達乎九乾窮至贖於幽微測 極爰登其質今子韞櫝六經服膺道術歷世而游高談 故能扶陽以出順陰而入春發其華秋收其實有始有 在期達者 或說已曰易稱備物致用可觀而有所合 經濟類編

尚矣赫胥罔識淳樸散離人物錯乖高辛攸降贩趣各 初制皇綱云緒帝紀乃設傳序歷數三代興滅昔大庭 |惠馬故英人乘斯時也猶逸,禽之赴深林蝱蚋之超大 以世路不知其跌而失吾之度也古者隂陽始分天地 沛胡為嘿嘿而久沉滯也答曰有是言乎子苟钦勉我 階閥紫魔據高軒望朱闕夫欲千里而咫尺未發紫霜 洋以恢儒疏軒晃以崇賢率惇徳以厲忠孝揚茂化以 砥仁義選利器於良材求鏌鋣於明智不以此時攀台

或胃詢以干進或望色而斯舉或以役夫發夢於王公 各審所履故士或掩目而淵潛或盥耳而山棲或草耕 賢人授手接世之災跋涉赴俗急斯時也昔夷含感而 **昏墊之兒主有疇咨之爱條垂萬蔓上下相求於是乎** 或以漁父見兆於元龜若夫紛繼塞路凶虐播流人有 而僅飽或木茹而長饑或重聘而不來或屢點而不去 遧道無常稽與時張弛失仁為非得義為是君子通變 皋陶謨高祖嘆而予房/應禍不散而曹絳/奮結不解而

和樂人人有以自優威械藏而俎豆布六典陳而九刑 殊参差同量坯冶一陶 羣生得理廉績其凝家家有以 其步德讓不修則非忠也是以儉則救俗平則守禮譽 陳平權及其策合道從克亂彈衝乃將鏤玄珪冊顯功 唐文六合怡怡比屋為仁一天下之衆異齊品類之萬 不顧人溺不拯則非仁也當其無以則躐纓整襟規矩 銘昆吾之治勒景襄之鍾與其有事則褰裳濡足冠挂 以公心不私其體今聖上之育斯人也樸以皇質彫以

欽定四庫全書

表五十三

極亦各有得彼採其華我收其實含之則藏已所學也 措濟茲兆底出於平易之路雖有力牧之略尚父之厲 故進動以道則不辭執珪而東柱國復靜以理則不厭 岱陰之麓伐尋抱不為之稀 藝拱把不為之數悠悠岡 壬山積學者川流衣裳被宇冠盖雲浮譬猶衡陽之林 伊皐不論奚事范蔡夫廣厦成而茂木暢遠求存而良 糟糠而安愁蘆夫君子非不欲仕也恥考毗以求舉非 馬黎陰事終而水宿藏塲功畢而大火入方斯之際處

勤百畝之不私繁余馬以安行俟性命之所存昔孔子 起威於夾谷晏嬰發勇於崔杼曹劇舉節於柯盟卞嚴 之高訓詠太平之清風行天下之至順懼吾躬之穢徒 非隨藏否在予唯世所議固將因天質之自然誦上哲 子属屑而不已也先人有则而我弗虧行有枉徑而我 荀以狗已汗血競時利合而友子笑我之沉滯吾亦病 之寳也暴智雅世因以干禄非仲尼之道也游不倫黨 不欲室也惡登牆而樓處叫呼街衛縣旌自表非隋和

欽定匹庫全書

卷五十三

火元日本公本 事式昭徳音是故伊尹思使君為尭舜而民處唐虞彼 上達佐國理民有云為也朝有所聞則夕行之立功立 童牙而報趙原衰見廉於壺發宣孟收徳於束脯呉札 辯言以退燕包胥單辭而存楚唐且華顛以悟秦甘羅 克捷於殭禦范蠡錯勢於會稽伍員樹功於柘舉魯連 結信於丘木展李効貞於門女顔回明仁於度轂程嬰 張衡應問說 顯義於趙武僕誠不能編德於數者竊慕古人之所序 有間余者曰盖聞前哲首務務於下學 經濟類線

金万正匠人門 非所用術有所仰故臨川將濟而舟楫不存馬徒經思 器賴彫飾為好人以輿服為榮吾子性徳體道篤信安 以施惠惠施令行故易稱以大業質以文美寶由華興 樊仲實幹周邦服衮而朝介主作瑞殿跡不朽垂烈後 豈虚言而已哉必旌厥素爾各單巫咸實守王家申伯 令又原之雖老氏曲全進道若退然行亦以需必也學 仁約已博藝無堅不鑽以思世路斯何遠矣曩滯日官 見不亦不歟且學非以要利而富貴萃之貴以行令富

大下の草を 禄之不夥而耻智之不博 是故藝可學而行可力也天 同而見異也君子不患位之不尊而思徳之不崇不耻 若早體屈己美言以相尅 鳴於喬木乃金聲而王振之 機而銛諸昔有文王自求多福人生在勤不索何獲曷 用後勲雪前吞倖佷不柔以意誰靳也應之曰是何觀 **厲淺揭隨時為義會何貪於支離而習其孤技邪參輪** 天衢內昭獨智固合理民之式也故當見謗於鄙儒深 可使自轉木雕猶能獨飛已垂翅而還故棲盍亦詢其 經濟頻組

爵高懸得之在命或不速而自懷或羡旃而不臻求之 多历四月人 滕黄帝為斯深惨有風后者是馬亮之察三辰於上跡 致庸受必有階渾元初基靈軌未紀吉凶紛錯人用膧 散或委百築而據文軒者度使拜爵量績受禄也輸力 則兼金盈百而不嫌辭孟軻以之士或解桓褐而襲黼 於心有猜則簋發饌餔猶不屑餐旌替以之意之無疑 得而豫丧也枉尺直尋議者譏之盈欲虧志孰云非羞 無益故智者面而不思贴身以徼幸固貪夫之所為未

CA. Tried Middle 害也公旦道行故制典禮以尹天下懼教誨之不從有 龍迎夏則陵雲而奮鱗樂時也涉冬則派泥而潜蟠避 少昊清陽之末實或亂德人神襟擾不可方物重黎又 人之不理仲尼不遇故論六經以俟來辟耻一物之不 長則宵短日南則景北天且不堪兼况以人該之夫女 因藝受任鳥師別名四叔三正官無二業事不並齊畫 禍福於下經緯歷數然後天步有常則風后之為也當 相顓頊而中理之日月即次則重黎之為也人各有能 經濟類編

高祖踞洗以對鄰生當此之會乃黿鳴而鼈應也故能 說夫咸以得人為果失士為尤故樊噲披帷入見高祖 北而應龍翔洪門聲而軍客息溽暑至而鶉火棲寒氷 也故一介之策各有攸建子長諜之爛然有第夫女魃 係箭而肿城弛析從往則合横來則離安危無常要在 競騙君若綴旒人無所麗燭武縣縋而秦伯退師魯連 同心戮力勤恤人隱奄受區夏遂定帝位皆謀臣之由 知有事之無範所考不齊如何可一夫戰國交爭戎車

多反四月在書

成林及津者風據失途者幽僻遭遇難要趙偶為幸世 1/1. TO 1.1 /1. 1 **者所不履也越王勾践事此故厥緒不來捷徑邪至我** 易俗異事勢乖殊不能通其變而一度以揆之斯契船 共劑若修成之不服尚何功之可立立事有三言為下 而求敏守林而向冤也冒愧逞願必無仁以繼之有道 列下列且不可無矣奚冀其二哉于兹縉紳如雲儒士 **沍而龜鼉墊今也皇澤宣洽海外混同萬方億醜并質** 不忍以投步干進苟容我不忍以歙肩雖有犀舟勁極 经油频编

退敵墨翟以荣帶全城貫高以端解顯義蘇武以死節 號也斐豹以斃督備書禮至以掖國作銘於高以牛 孔甲且不足慕馬稱殷彭及周聃與世殊技固孤是求 雕獨飛愍我垂翅故棲吾感蠢竈附編悲爾先笑而後 子爱朱泙曼之無所用吾恨輪扁之無所教也子都太 猶人涉卬否有須者也姑亦奉順敦篤守以忠信得之 之常服馬方將師天老而友地典與之乎高睨而大談 不休不獲不吞不見是而不惛居下位而不憂允上徳

多定四库全書

之大寶曰位故以人守位以財聚人然則有位斯貴有 蔡邕釋誨 財斯富行義達道士之司也故伊勢有負鼎之伤仲尼 不慊夫晋楚敢告成於知已 能羣被數子愍三墳之既頹惜八索之不理庶前訓之 取 譽王豹以清謳流聲僕進不能參名於二立退又不 可鑚聊朝隱乎柱史且韫櫝以侍價踵顏氏以行止會 有務世公子誨於華顛胡老曰盖聞聖人

效負蒲且以飛鱛逞巧詹何以沈鉤致精变秋以棋局

Chiamat Line

經濟類線

賢智崇英逸偉不墜於地徳宏者建軍相而裂土才羨 暮點而無聞小子感馬是以有云方今聖上寬明輔 弼 清宇宙之埃塵連光芒於白日屬炎氣於景雲時逝歳 能拔萃出羣楊芳飛文登天庭叙載倫掃六合之穢悪 精重測抗志高宴包括無外綜析無形其已久矣曾不 是則聖哲之通趣古人之明志也夫子生清穆之世東 設執鞭之言霸子有清商之歌百里有豢牛之事夫如 醇和之靈覃思與籍韞櫝六經安貧樂賤與世無營沈

金灰四月石書

次是日本社会 者荷榮禄而蒙賜盍亦回途要至倪仰取容輯當世之 斯以降天綱縱人紘弛王逢壊太極陁君臣土茍上下 虞之至時三代之隆亦有緝熈五伯扶機勤而撫之於 利定不拔之功荣家宗於此時遺不滅之令蹤夫獨未 曰居吾將釋爾昔自太極君臣始基有義皇之洪寧唐 跌之敗者已公子謖廟斂袂而興曰胡為其然也胡老 所謂覩暧昧之利而忘昭哲之害專必成之功而忽蹉 之思耶何為守彼而不通此胡老傲然而笑曰若公子 經濟類編

守晨沮溺耦耕頹歇抱璞蘧瑗保生齊人歸樂孔子斯 金灰世是人 其满神疾其邪利端始前害漸亦芽遨邀方殼夭夭是 離幕而萎條去幹而枯女冶容而淫士背道而辜人毀 萬金或談崇朝而錫瑞珪連衡者六印磊落合從者駢 加欲豐其屋乃部其家是故天地否閉聖哲潛形石門 組流離隆貴翕習積富無涯據巧蹈機以忘其危夫華 駭風馳霧散雲披變詐乖詭以合時宜或畫一策而綰 **瓦解於是智者騁詐辯者馳説武夫奮略戰士講銳電** 

というしたこう 濟多士端委網理漸鴻盈階振鷺充庭磨猶鍾山之玉 恭已於職司聖主垂拱乎兩楹君臣穆穆守之以平濟 流於無類含甘吮滋檢六合之羣品濟之乎雅思羣僚 之殘災隆隱天之高折絙地之基皇道惟融帝猷顯丕 **魏屬統則微陰萌薰該蒼而白露凝寒暑相推陰陽代** 傾也且我聞之曰南風至則黄鍾應融風動而魚上氷 興運極則化理亂相承令大漢紹陶唐之洪烈盪四海 征雍渠縣乘逝而遺輕夫豈傲主而背國乎道不可以 經濟頻編

羣之才人人有優贍之智童子不問疑於老成睡矇不 容爵位自從構須理髯餘官委貴其進取也順傾轉圖 不足以喻其便逡巡放屣不足以况其易故百夫有逸 裕夫世臣門子暫御之族天隆其祐主豐其綠抱庸從 濮捷而晋凱入故當其有事也則養笠並載援甲楊鋒 不給於務當其無事也則舒紳緩珮鳴玉以步綽有餘 源辟而四隩宅武功定而干戈戢獵狁襄而吉南宴城 四濱之石累主壁不為之盈採浮磬不為之索異者洪

金灰四周石書

7

之辜高受滅家之誅前車已覆襲軌而驚曾不監禍以 之門乞助乎近貴之譽榮顯未副從而顏路下獲熏胥 **通益之數聘駕船於修路兼騏驥而增驅甲俯乎外戚** 在明患生不思戰戰兢兢处慎厥尤且用之則行聖訓 知畏懼予惟悼哉害其若是天高地厚跼而踏之怨豈 夫狗財麥者死權瞻仰此事體躁心煩閣謙盈之效迷 莫非華榮明哲泊馬不失所寧狂搖振蕩乃亂其情食 ストラー しょう

·格謀於先生心恬淡於守高意無為於持盈聚乎煌煌

· 前則月側居是以君子推微達著尋端見緒優霜知氷 多灰匹庫全書 路安能與之齊軌思危難而自豫故在賤而不耻方將 用遭恭可與處否樂天知命持神任己羣車方奔乎險 践露知暑時行則行時止則止消息盈沖取諸天紀利 震而樞星直并無景則日陰食元首寬則望舒朓侯王 萬非一勇所抗今子責匹夫以清宇宙庸可以水旱而 也舍之則藏至順也夫九河盈溢非一開所防帶甲百 累克湯乎懼煙炎之致婚何光芒之敢楊哉且夫地将

居幸其獲稱天所誘也罕漫而已非已各也昔伯翳綜 露不除踊躍草菜祇見其愚不知我者將謂之迁修業 思真棄此馬如靜以俟命不數不渝百歲之後歸乎其 計合謀從已之圖也敷績不立予之辜也龜鳳山翳霧 能知其所有若乃丁千載之運應神靈之符圍闔闔來 之庭字揖儒墨而與為友舒之足以光四表收之則莫 天衛擁華盖而奉皇樞納元策於聖徳宣太平於中區

| 騁馳乎典籍之崇塗休息乎仁義之淵 籔盤旋乎孔周

欠正可服 1.1.1.15

經濟頻編

靈和液暢兮神氣寧情志泊兮心亭亭嗜欲息兮無由 含笑援琴而歌歌曰練余心兮浸太清滌穢濁兮存正 璞而優游於是公子仰首降階忸怩而避胡老乃揚衡 勇於赴流壽王創基於格五東方要幸於談優上官效 土於善圉狼暉取右於禽四弓父畢精於筋角伙非明 徳於衛朝倕氏與政於巧工造父登御於驊騙非子享 金分四月全書 聲於鳥語葛盧辨音於鳴牛董父受氏於豢龍奚仲供 力於執盖弘羊據相於運籌僕不能參跡於若人故抱 卷五十 三

樓五期龍蟠六年英耀禿落羽儀推殘而獨雅容藝文 Dan Die Lien 務觸人主之威有效矣而官不過散郎舉不過賢良鳳 有其才而不遇者時也有其時而不遇者命也吾子童 談先王之言入閭闔躡丹墀染彤管吐洪煇干當世之 夏侯湛抵疑 當路子有疑夏侯湛者而謂之曰吾聞 生踔宇宙而遺俗兮眇翩翩而獨征 而登室相之朝揮翼初儀而受卿尹之舉盪典籍之華 幼而歧疑弱冠而著徳少而流聲長而垂名拔萃始立 經濟類編

咳唾之音爱錙銖之力向若垂一鱗囘一翼令吾子攀 其飛騰之勢挂其羽翼之末猶奮迅於雲霄之際騰縣 隸負俗懷譏之士猶將登為大夫顯為卿尹於何有寶 於德貴於官其所發明雖叩牛操築之客傭債抱関之 金灰四库全書 之所與二三公者義則骨肉之固交則明道之觀也富 子之陸沈也且以言乎才則吾子優矣以言乎時則子 而耗力勞神而苦心此術亦以薄矣而終莫之辯宜吾 **荡駘儒林志不輟著述之業口不釋雅頌之音徒費精** 卷五十三

侯子曰吾聞先大夫孔聖之言徳之不修學之不講聞 敢布其腹心豈能隐几以覽其槩乎客曰敢祗以聽夏 之所堪也然過承古人之誨抑因子大夫之春在弊室 人必知之矣吾子所以褒飾之大矣斟酌之喻非小醜 之敬賢也是吾子之拙感也夏侯子曰噫湛也幸有遇 舟船之畔惜東壁之光不以寓貧婦之目抑非二三公 巷守此困極心有窮志貌有饑色春江河之流不以濯 於四極之外今乃金口玉音漠然沈默使吾子栖遲窮 Valored Lister 經濟頻縮

**|| 莪不能徙不善不能改是吾爱也四徳具而名位不至** 也僕又聞世有道則士無所執其節點陟明則下不在 之列頗閱六經之文覽百家之學弱年而入公朝蒙蔽 户之業受過庭之訓是以得接冠帯之末充乎士大夫 者非吾任也是以君子求諸巳小人求諸人僕也承門 而當顯翠進不能拔羣出萃却不能抗排當世志則乍 不知之者則謂之欲遑遑以求達此皆未是僕之所匮 顯乍昧文則乍幽乍蔚知之者則謂之欲逍遙以養生

彭定匹库全書

卷五十三

言不出口安能干當世之務觸人主之威適足以露在 Kur Comer Comer 境海内無虞萬國玄靜九夷之從王化猶洪聲之收清 朝廷之欲也今天子以茂徳臨天下以八方六合為四 簡而増塵垢縱使心有至言言有偏直此委卷之誠非 簡墨之後當此之時若失水之魚丧家之狗行不勝衣 靡容悅出入崎傾逐巧點妍嘔喁辯伎隨羣班之次伏 **顽直之陋生也不識當世之便不達朝廷之情不能倚** 量其力是以當舉而不辭入朝而酬問僕東野之鄙人 經濟類編

|衛士之變盈掃除之器譬猶投盈寸之膠而欲使江海 矣若僕之言皆糞土之説消磨厌爛垢辱招穢適可充 白坐而論道者又充路盈寢黃幄玉階之內飽其尺牘 書之閣有司不能竟其文當年不能編其籍此執政之 士曾諷急就習甲子者皆奮筆楊文議制論道出草茅 所厭聞也若乃羣公百辟卿士常伯被朱佩紫耀金帯 起林籔御青瑣入金墉者無日不有充三臺之寺盈中 響黎苗之樂函夏若遊形之招惠景鄉曲之徒一介之 金贝四月月

代以討其違與衰相形安危相傾故在位者以求賢為 以封羣后羣后受國以臨其邪縣大賞以樂其成列九 志乎渦瀬從容乎農夫優游乎卒羸矣古者天子畫土 失評也僕因脂車以須放秣馬以待却反耕於枳落歸 對便欲坐望高位吐言數百便謂峻嶒一世何吾子之 之雲噓之不益其熱翕之不减其氣今子見僕入朝暫 易色烧一羽之毛而欲令大鑪增熟若燎原之煙彌天

大小のまずんははあ

務受任者以進才為急令也則九州為一家萬國為百

經濟類編

靜以寡交為慎以弱斷為重以怯言為信不知士者無 居逸而思危對食而有乾今也則否居位者以善身為 則為親也周矣且古之君子不知士則不明不安是以 傳詩書講儒墨說玄虚僕皆不如也二三公之簡僕於 凡庸之肆顯僕於細稷之中則為功也重矣時而清談 大順夫道學之貴游問邑之指紳皆高門之子世臣之 那政有常道法有恒訓因循而禮樂自定揖讓而天下 **角宏風長譽推成而進悠悠者皆天下之彦也諷話訓** 

金になるとと

墨五十三

露不食五穀登太清遊山嶽靡芝草弄白玉不因而獨 才進人此又吾子之失言子獨不聞夫神人乎喻風飲 白沖虛作爾養真雖力挟太山将不舉一羽揚波萬里將 欲升鼎湖近則欲超太平方將保重當神獨善其身玄 蔑昆吾之功唯桓公之勲抵松管仲蹉跎晏嬰其遠則 **召之倫叔豹仲熊之僑稽古則踰黄唐經綿則越虞夏** 大小しの BET ALIGHT 公誹不得士者不私愧彼在位者皆稷契咎益伊吕周 鱗咳唾成珠玉揮袂出風雲豈肯敞蹄鄙事取 經濟類編

當太平之會不接於奮氣發謀出奇使鳴鶴受和好爵 金牙四尾人門 而登阿衡寗戚出車下而階大夫外無微介內無請謁 之機歌白水之流徳入殷王義感齊侯故伊尹起庖厨 成陽蜜戚之迕桓公或投已鼎俎或庸身飯牛明廢興 見麼抑乃沈身郎署約志勤甲不亦贏哉且伊尹之干 聖人有言曰邦有道貧且賤馬恥也今子值有道之世 能入無窮之門享不死之年以此言之何待進賢客曰 備無假而自足不與人路同階欲不與世務齊榮辱故

CANDDIDE LINE 已上朝堂答世問不過顯所知而僕已竭心思盡才學 能邁畝百鍊之鑑別鬚眉之數而壁土不見泰山鴻鵠 慷慨乎夏侯子曰嗚呼是何言歟富與貴是人之所欲 矯負擢手徑躡名位吾子亦何不慕賢以自厲希古以 鈍之較優劣之决也夫欲進其則者不過千萬乘而僕 刀不能入泥騏驥驊騮之來一日而致千里而駕蹇不 非僕之所惡也夫干將之劔陸斷狗馬水截蛟龍而鉛 舉横四海之區出青雲之外而尺點不陵桑榆此利 經濟類編

金月四月 台灣 節於延陵揚雄覃思於太玄伯玉和柔於仕懷柳惠三 蔽身梅福棄家以求仙又非僕之所安也若乃季札抗 能也莊周駘荡以放言君平賣卜以自賢接輿揚狂以 以徼文傅説操築以寤主霉戚擊角以要君此非僕所 僕未以此為不肖也若乃伊尹負鼎以干湯呂尚隐遊 能起也以此言之僕何為其不自街哉子不嫌僕徳之 意無雅正可準論無片言可採是以頓於鄙劣而莫之 不部而疑其位之不到是猶反鏡而索照登木而下釣

於黃神故能電飛景拔超次邁倫騰高聲以奮遠抗宇 或胃藹以安鄭或來腳以救屯或班荆以求友或借術 實秋風逐暑冬水乃結人道以之應機乃發三才連利 通吐靈故黃鐘次序律呂分形是以春華發藝夏繁其 晋皇甫謚釋勸論 客曰盖聞天以懸象致明地以含 大正可知 ~ **紪於士官僕雖不敏竊頗彷彿其清塵** 以感主或釋釣於渭濱或叩角以干齊或解褐以相秦 明若符契故士或同升於唐朝或先學於有萃或通夢 经消频编

命切至委慮有司上招迕主之累下致駭衆之疑達者 吾聞招搖唇廻則天位正五教班叙則人理定如今王 **奮通道之遠由守介人之局操無乃乖於道之趣乎且** 鴻漸之秋也韜光逐藪含章未曜龍潛九泉磟然執高 偶知已之會時清道直可以冲邁此真吾生濯髮雲漢 者有年矣既遭皇禪之朝又投禄利之際安聖明之主 今子以英茂之才游精於六藝之府散意於衆妙之門 宙之清音由此觀之進德貴乎及時何故屈此而不伸 金好口及人 次至四華全 輔唐虞之主化堯舜之人宣刑措之政配殷周之臣銘 蘇排間間步王本登紫随侍北辰翻然景曜雜沓英塵 哲之洪範副聖朝之虚心中靈翼於雲路浴天池以濯 夫貴陰賤壁聖的約也顛倒衣裳明所筒也子其鑒先 責同何必獨異羣賢可從何必守意方今司命並臻饑 命難保若其義和促繼大火西傾臨川恨晚將復何階 遜遜丘園不睨華好惠不加人行不合道身嬰大疾性 不待餐振澡皇逢咸秩天官子獨棲遲衡門放形世表 經濟類編

品仰化誕制殊徵故進者享天禄處者安丘陵是以寒 |玄而清地静而寧含羅萬類旁薄羣生寄生聖世託道 之靈若夫春以陽散冬以陰凝泰液含光元氣混蒸衆 |金白之輝曜忌青紫之班購辭客服之光緊抱弊褐以 之暉暉未覩幽人之髣髴也見俗人之不容未喻聖皇 終年無乃勤乎主人笑而應之曰吁若屬可謂習外觀 之兼愛也循方圖於規矩未知大形之無外也故曰天 功景鐘祭叙藥倫存則鼎食亡為貴臣不亦茂哉而忽

| 罪足之勢東郭却於田荣顏闔耻於見逼斯皆奪禮母 故馮以彈劍感主文有反賜之說項奮拔山之力蒯陳 主合張儀入而横勢成廉頗存而趙重樂毅去而燕輕 一冊十二物俱靈是謂大同彼此無怨是謂至通若乃衰 KINDIMIL KINIA 而楚傾是以君無常籍臣無定名損義放誠一虚 公叔没而魏敗孫臏刖而齊寧蠡種親而越霸屈子疎 **周之末 貴詐賤誠牽於權力以利要榮故蘇子出而六** 暑相推四宿代中陰陽不治運化無窮自然分定兩克 經濟類編

禮之方一浮一 好遯者無所廹故曰一明一昧徳道之槩一弛一張合 區區而分别也欲閣然而內章不欲示白若氷雪也欲 索而條解不欲幹幹而絕結也欲芒芒而無垠際不欲 真苟荣朝夕之急者也豈道化之本與若乃聖帝之創 醇醇而任徳不欲瑣瑣而執法也是以見機者以動成 察而明切也欲混混若玄流不欲荡荡而名發也欲索 化也杂德乎三星齊風乎虞夏欲温温而和暢不欲察 沈兼得其真故上有勞謙之愛下有不

金片四月月十

**賢故能棄外觀之華通內道之真去顯顯之明路入昧** 定之計者不借謀於眾人守不動之安者不假慮於羣 ·奪之節執不廻之意遭拔俗之主全彼人之志故有獨 徳於洛濱鄭真躬耕以致譽幼安發令乎令人皆持難 愿以存魏荆芥志邁於江苓君平因蓍以著道四皓潛 於至貧榮期以三樂感尼父點婁定市於布衾干木偃 渡距唐李老寄迹於西隣顏氏安 四以成名原 憲好道 召之臣朝有聘賢之禮野有遯竄之人是以支伯以幽

No. March Litaria

經濟頻編

|秦晉倉公發祕於漢皇華佗存精於獨識仲景垂妙於 伯牛有疾孔子斯歎若黃帝創制於九經岐伯剖腹以 時而駭衆吾亦恠子較論而不折中也夫才不周用衆 之宅交釋利之人輕若鴻毛重若泥沈損之不得測之 蠲腸扁鵲造號而尸起文摯狗命於齊王醫和顯術於 所斥也寢疾彌年朝所棄也是以胥克之廢丘明列馬 愈深真吾徒之師表余疾追而不能及者也子議吾失 昧之埃塵宛轉萬情之形表排托虚寂以寄見居無事

多次四月五章

大元日本人 應機謀夫演略武士奮威雲合霧集風激霓飛量時揆 亦俟時以行止身没名滅君子所耻是以達人研道探 範匪時不立流稱垂名匪功不記名必須功而乃顧事 名與功偕就則名之與事前哲之惡務也是故創制作 定方徒恨生不逢乎君人故乞命訴乎明王求絕編於 **膭索微觀天運之符表考人事之盛衰辯者馳說智者** 卻今先釋識 或有談余者曰聞之前記夫事與時並 天籙亮我躬之辛苦冀微誠之降霜故俟罪而窮處 經濟類編

此素餐固未能輸竭忠款盡瀝胃肝排方入直患彼愁 偽計時務之得失雖時獻一策偶進一言釋彼官責慰 **躊躇紫闥喉舌是執九考不移有入無出究古今之真** 闚留心道術無遠不致無幽不悉挺身取命幹茲與祕 烈士樹功之會也吾子以高朗之才珪璋之質兼覽博 敗嗟道義之沈塞愍生民之顛沛此誠聖賢拯救之秋 光以發揮也今三方鼎峙九有未入悠悠四海嬰於禍 宜用取世資小屈大伸存公忽私雖尺枉而尋直終揚

金万世屋人門

卷五十三

|余應之曰虞帝以面從為戒,孔聖以悅已為尤若子之 言良我所思將為吾子論而釋之昔在鴻荒朦昧肇初 之精練也或人率爾仰而楊衡曰是何言數是何言數 艷管閱筐舉守厥所見未可以言八紘之形将信萬事 |有若云乎邪夫人心不同實若其面子雖光麗既美且 蘭以芳世副吾徒之彼圖不亦盛與余聞而歎曰嗚呼 安駕肆思馬斯祖審属揭以投鄉要夷庚之赫撫播秋 元俾吾徒草鄙並有聞馬也盍亦緩衡轡回軌易塗輿 Cr. To lead Assis

經濟類編

定分義無常經故鞅法窮而還作斯義敗而姦成呂門 詭道以要上或鬻技以自矜背正崇邪奪直就伎忠無 **奇邪蠭動智巧萌生或飾真以讐偽或挾邪以干榮或** 者翼扶羸氏慘虐吞嚼八區於是從横雲起徂詐如星 **恣睢自極和鸞未調而身在轅側庭宇未踐而楝折榱** 目赫赫龍章鑅鑠車服媮幸茍得如反如復淫邪荒迷 大而宗滅韓辯立而身刑夫何故哉利回其心寵耀其 三皇應錄五帝承符爰暨夏商前典攸書姬衰道缺霸

金灰四周全書

7. 5. A. Zizis 之宏下有匡救之責士無虚華之龍民有一行之迹祭 順民政治之隆皓若陽春俯憲坤典仰式乾文播皇澤 **清恭之歎乃神之聽之而道使之然也自我大漢應天** 被豈輕主慢民而忽於時務哉盖易著行止之戒詩有 **虚畏彼咎戾超然高舉寧或尾於途中穢濁世之休譽** 終隕幽壑朝含榮潤夕為枯魄是以賢人君子深圖逐 以原世揚茂化之醲醇君臣履度各守脈真上垂詢納 覆天收其精地縮其澤人吊其躬鬼女其額初升高两 經濟額編

垂戒盖均無貧故君臣協美於朝愁庶欣戴於野動若 祀以初祭幾皇道以輔真雖峙者未一偽者未合聖人 詐者暫吐其舌也今天綱已綴徳樹西隣丕顯祖之宏 豪傑盖世家挾殊議人懷異計故縱橫者啟披其胷租 規縻好爵於士人與五教以訓俗豐九徳以濟民肅明 舒係運氣匿而耀靈陳沖質不求桓靈墜敗英雄雲布 有光有翳朱陽否於素秋玄陰抑於孟春義和逝而望 乎亹亹尚此忠益然而道有隆窳物有興蘇有聲有寂

銀灰四庫全書

美亦進可而替否故職誦瞽説時有攸獻譬道人之有 之仁也侃侃庶政丹季之治也鷹揚鷯騰伊望之事也 采於市間游童之吟詠乎疆畔庶以增廣福祥輸力規 嶽之高峙聞仲尼之賛商感鄉校之益已彼平仲之和 總羣俊之上略含薛氏之三計敷張陳之祕策故力征 才在朝累紀託身所天心馬是侍樂滄海之廣深較萬 以勤世援華英而不遑豈暇修枯籜於榛穢哉然吾不 重規靜若叠矩濟濟偉彦元凱之倫也有過必知顏子

On town Lists

经济频编

朝士山積髦俊成羣猶鱗介之潜乎巨海毛羽之集乎 之邱何方之排何直之入九考不移固其所執也方今 以慮輕不粥譽以干澤不辭愆以忌絀何責之釋何餐 違不以失得不充訟失不慘悸不樂前以顧軒不就後 漁父之处醉涵柳季之甲辱編夷叔之高數合不以得 此其所以既入不出有而若無者也狹屈氏之常醒濁 諫若其合也則以閣協明進應靈符如其違也自我常 分退守已愚進退任數不矯不誣循性樂天夫何恨諸

多灰匹库全書

卷五十三

S. A. D. LOLL LIVE W 美疏氏之遐逝收止足以言歸汎浩然以客商於環堵 之遺藝綴微群以存道憲先軌而投制題叔肸之優游 仍永激而增慎肆中懷以告誓昔九方考精於至貴奉 以恬媉免咎悔於斯世顧茲心之未恭懼末逢之泥滞 我又何解解窮路單將及初節綜墳典之流芳尋孔氏 滋行止有道故塞有期我師遺訓不怨不尤委命恭已 **唐葉陰精應於商時陽旰請而洪災息桑林禱而甘澤 鄧林游禽逝不為之勘浮魴臻不為之殷且陽靈幽於** 經濟類編

維以赞百務熈帝載而鼓皇風生則率土樂其存死則 |尚變通達者無窮世亂則救其紛時恭則扶其隆振天 實不能齊技於數子故乃靜然守己而自寧 哀東轡而馳名盧敖翱翔乎玄闕若士竦身於雲清余 而咍含毫散藻考撰同異在側者進而問之曰蓋聞道 隸拊髀以濟文楚客潜冠以保荆雅門援琴而挾說韓 東哲玄居釋 牙沈思於殊形薛燭察寶以飛譽教梁託弦以流聲齊 東子閒居門人並侍方下惟深譚隱機

多玩四周全書

卷五十三

此愚竊不取若乃士以拔登進以待求附勢之黨横握 窮魚之渚當唐年而慕長沮邦有道而及霉武識彼迷 而不試乃欲置匱辭價泥蟠深處永戢琳琅之耀匿首 藝疑然山峙潛朗通微冷覽深識夜兼亡寐之勤畫騁 烹割之說齊容當康衢而咏白水之詩今先生既道修 鑽玄之思曠年累稔不墮其志鱗翼成而愈伏術業傷 索何獲之言周易著躍以求進之辭華老負金鉉以陳 宇内哀其終是以君子屈已伸道不耻於時上國有不

欽定四庫全書 盍亦因子都而事博陸憑與首以涉洪流蹈翠雲以駭 有來無反難得易失先生不知盱豫之誠悔遲而忘夫 學既積而自困夫何為乎松丘且歳不我與時若奔駟 逸龍振光耀以驚沈鰌徒屈蟠於塪井盼天路而不遊 則林藪之彦不抽丹墀歩納袴之童東野遺白顛之叟 苦形骸於蓬室宣若託身權戚憑勢假力擇模芳林飛 招西歸之日徒以曲畏為档儒學自程囚大道於環堵 朋盍之義務疾亦豈登海濁而抑東流之水臨虞泉而

舒畫戰羽族翔林蟩站赴濕物從性之所安士樂志之 受余訊謹聽今志昔元一既啓兩儀肇立離光夜隱望 曰居吾將導爾以君子之道論爾以出處之事爾其明 平對五教而玉繩直孰若如藿餐疏終身自匿哉東子 不相羡稷契奮庸以宣道巢由洗耳以避禪同垂不朽 所執或背豐榮以嚴極或排蘭闥而求入在野者龍逐 不待翼夕宿七娥之房朝享五鼎之食匡三正則泰階 在朝者鳳集雖其軌迹不同而道無貴賤必安其業交

之稱俱入賢者之流参名比譽誰劣誰優何必貪與二 龜隱官者於郊廟之情公孫泣涕而辭相楊雄抗論於 競赴林薄或毀名自汙或不食其禄几從政於匣笥之 暮落忠不足以衛已遇不可以預度是以士諱登朝而 端亦作朝遊巍我之宮夕陸崢嶸之壑畫笑夜歎晨華 綴處者之末行未敢聞子之高喻將忽浦輪而不盼夫 何權威之云附哉昔周漢中衰時難自託福兆既開患 八羣而耻為七人之傳乎且道睽而通士不同趣吾竊

欽定匹庫全書

正如意之立于木卧而秦師退四皓起而戚姬泣夫如 窮陳策者言有不入翟璜不能回西膦之冦平勃不能 安率禮從道朝養觸邪之獸庭有指使之草禍戮可以 N. In.al lesia 以解天下之紛澹泊可以救國家之意當位者事有所 其性也兩可俱是而含彼趣此者從其志也盖無為可 忠逃寵禄可以順保且夫進無險懼而惟寂之務者率 勿用八紘備整主無矯肆之怒臣無凳纓之請上下相 赤族今大晋熈隆六合寧靜蜂薑止毒態麗輟猛五刑 經濟類編

肆神遊莫競之林心存無管之室樂利不擾其覺殷愚 鄭老於海隅匹嚴叟於僻蜀且世以太虚為輿玄鑪為 海陵之積不足存道徳者則匹夫之身可榮忘大倫者 裘而拖繡且能約其躬則擔石之畜以豐苗肆其欲則 臭守分任性唯天所授鳥不假甲於龜魚不借足於獸 則萬來之主猶辱將研六籍以訓世守寂泊以鎮俗偶 何必笑孤竹之貧而羨齊景之富耻布衣以肆志寧文

多定匹库全書

是何舍何執何去何就謂山岑之林為芳谷底之莽為

卷五十三

疑本朝假拒羣姦使已蒙噂沓之誇而他人受討賊之 亡而背枉違難耀兹武功徒使震撲山東剝落元元結 能及遭豺狼肆虐社稷陨倾既不能抗節服義與主存 課吾業於千載無聽吾言於今日也 燕總屋言之至一企素履於丘園肖纓矮而長逸請子 而已矣今主君鍾陰陽之荚總賢聖之風固非世人所 陳琳應譏 不干其寐捐夸者之所貪收躁者之所棄雜聖籍之荒 ノニュ 客有譏余者云聞君子動作周旋無所苟 经渐频站

|率萬方之民致力乎溝洫及至簫部九成百獸率舞垂 **一级定四库全書** 之士哉昔洪水滔天汎濫中國伯禹躬之遇門而不入 爱暫勞之民忘永康之樂此庸夫猶所不為何有冠世 之王事所不得已也而况將避護慝之嫌奪社稷之難 夫申鳴違父樂羊食子季友鴆兄周公教弟猶恐而行 是何言也夫兵之設亦久矣所以威不軌而懲浮慝也 背舊章無乃非至徳之純美而有闕於後人哉主人曰 勲捐功棄才以徳取怨今賤文徳而貴武勇任權謫而

守職也成乃卓為封她幽鳩帝后强以暴國非力所討違 |殘酷宮室焚火主君乃芟凶族夷惡醜殤滌朝姦清澄 1). h.d ).1 而去之宜也是故天賛人和無思不至用能合師百萬 陳祖豆之器於城濮之墟者則恃矣是以達人君子必 各一時之宜故有論戰陣之權於清廟之堂者則狂矣 |勞求斯逸也夫世治則責人以禮世亂則考人以功斯 拱無為而天下宴如夫豈前好勤而後偷樂乎盖以彼 相時以立功必揆宜以處事孝靈既丧妓官放禍棟臣

松康卜疑集 美咨事若不及求愆恐不聞用能使賢智者盡其策勇 之謨闢四門廣諫路貴謹言駁巧偽慮不專行功不擅 敢者竭其身故舉無遺策而風烈宿宣也 也臨臺觀之崇高則恤役之病也是以虚心恭已取人 之載如天之意故當其聞管籥之聲則恐民之病也見 **歾旄之美則懼士之勞也緊稼穑之不時則推民之匱** 有弘達先生者恢廓其度寂寥疏闊方

一致定正库全書

若運諸掌者義也今主君以寬宏為守仁惠為廬若地

| 識品物之細故也然而大道既隱智巧滋繁世俗膠加 竿也於是遠念長想超然自失郢人既沒誰為吾質聖 動者多累靜者鮮患爾乃思邱中之隱士樂川上之執 蠻浮滄海踐河源甲兵不足忌猛獸不為患是以機心 不存泊然純素從客縱肆遺忘好惡以天道為一指不 而不制廉而不割超世獨步懷玉被褐交不苟合仕不 期逹常以為忠信篤敬直道而行之可以居九夷遊八 人情萬端利之所在若鳥之追鸞富為積蠢貴為聚怨

赤松為侶乎將追伊勢而友尚父乎寧隱鱗藏彩若淵 之曰吾有所疑願子卜之貞久乃危坐操者拂几陳龜 至誠乎將崇飾矯誣養虚名乎寧介逐凶伎守正不傾 施而不得乎將進趣世利苟客偷合乎寧隱居行義推 王公乎將早懦委隨承古倚靡為面從乎寧愷悌宏覆 明否臧乎將傲睨滑稽挾智任術為智囊乎寧與王喬 曰君何以命之先生曰吾寧發憤陳誠讜言帝庭不屈 人吾不得見異聞之於數術乃適太史貞父之廬而訪

一 欽定正庫全書

|容高自矯抗常如失職懷恨快快乎寧聚負千億擊鐘 てきちゃんにす **鼎食枕籍芬芳婉孌美色乎将苦身竭力剪除荆棘山** 慷慨以為壯感緊以為亮上干 萬乘下凌將相尊嚴其 心皓素忽然坐忘追羲農而不及行中路而悄愴乎将 管管子寧寥落閒放無所於出彼我為一不爭不讓遊 激昂為清銳思為精行與世異心與俗并所在必聞恒 隱其情屈身隨時陸沈無名雖在人間實處冥冥乎將 中之龍乎寧舒翼揚聲若雲問之鴻乎寧外化其形內 經濟頻編

|客乎寧如市南子之神勇四固山淵其志乎將如毛公 蘭生之龍縣虎步慕為壯士乎此誰得誰失何凶何吉 · 春東縛而終在霸功乎將如魯連之輕世肆志高談從 將如莊周之齊物變化洞達而放逸乎寧如夷吾之不 節義慕為子紙子寧如老聃之清淨微妙守玄抱一乎 禹乎寧如泰山之隱徳潜譲而不揚乎將如季札之顯 今失所乎將如箕山之夫顏水之父輕賤唐虞而笑大 居谷飲倚嚴而息乎寧智。當仲堪二八為偶排擯共鯀

多庆四库全書

ハノ・・・・・・・ ノ・・・・ 郭璞客傲 成哉太史貞父曰吾聞至人不相達人不卜若先生者 可以浴方將觀大鵬於南溟又何爱於人間之委曲 文明在中見素表璞內不愧心外不負俗交不為利仕 並馳萬驥徂征紛紜交競逝若流星敢不惟思謀於老 於董生賈誼一當於明主絳灌作色而楊聲况今干龍 不謀禄鑒乎古今滌情荡欲夫如是呂梁可以遊湯谷 客傲郭生曰王以兼城為實士以知名為

時移俗易好貴慕名膩文不讓位於柳李公孫不歸美

量海籠雖然將在子之感訊以表悟其可乎乃者地維 聞也郭生聚然而笑曰鷦鷯不可與論雲翼并蛙難與 之髯撫翠禽之毛者而不得絕霞肆跨天津者未之前 嚴光徒費思於鑽味摹洞林乎連山尚何名乎攀聽龍 之間進不為諧隱退不為放言無沈冥之韻而希風乎 | 薈陰弱根於慶雲陵扶搖而竦翮揮清瀾以濯鱗而響 賢明月不妄映蘭葩豈虚鮮今足下既以拔文秀於叢 不徹於一舉價不登乎千金傲岸紫悴之際頡頏龍魚

金庆四届全書

者亦曷願滄浪之深秋陽之映乎登降紛於九五淪湧 之訪不假蒲帛之招羈九有之竒駿咸總之於一朝豈 泉之潛不思雲暈熈氷之采不羨旭晞混光耀於埃霊 蘭夷爭翘學聲冠於伐本援類繁乎拔茅是以水無浪 | 駭謁若鄧林之會逸翰爛若溟海之納奔濤不煩咨嗟 士嚴無幽人刈蘭不暇聚桂不給安事錯新乎且夫窟 惟豐沛之英南陽之豪昆吾挺鋒驕驦軒髦杞梓競敷 中絕氧光墜米里運暫回廓祚淮海龍德時乘犀才雲 意得意非我懷寄羣賴乎無象域萬殊於一歸不壽殤 機洞鳖不以的曠不物物我我不是是非非忘意非我 累而智喪無巖穴而冥寂無江湖而放浪玄悟不以應 得以自得默覺者不足以涉無故不恢心而形遺不外 神王迹靡而名生體全者為議至獨者不派傲俗者不 是以不壓不奧不驟不辭支離其神憔悴其形形廢則 寶藏於褐裹三秀雖乾糜千麗采香惡乎芬賈惡乎在

**媝定四庫全書** 

**懸乎龍津蚓蛾以不才陸槁蟒蛇以騰騖暴鱗連城之** 卷五十三 歎安可與言樂天者乎若乃莊周偃蹇於漆園老萊婆 **歎抱關戰機心以外物不能得意於一** |豁雲臺之觀者必闕帯索之歡縱蹈而詠採齊擁璧而 胡蝶為物化之器矣夫欣黎黄之音者不顰蟪蛄之吟 之委賴縣狼之長暉玄陸之短景故臯壤為悲攸之府 蝣與大椿齒年然一閭一開兩儀之迹一冲一溫懸象 子不夫彭涓不壯秋亳不小泰山蚊童與天地齊流蜉 之節與沒期於寒暑凋虧要乎春秋青陽之翠秀龍豹 弦悟往復於嗟

| 娑於林窟嚴平澄漢於塵肆梅真隱淪乎市卒梁生吟 為俊麟以絕迹標奇松以負霜稱傷是以蘭生幽澗玉 曹毗對儒 輝千仞故子州浮滄瀾而龍蟠吳李忽萬聚以解印 隬而矯迹焦先混沌而槁机阮公昏酣而賣傲翟叟遯 公潜紫巖以順神梁生適南越以保慎固能全真養和 夷迹洞瀏陵冬楊芳披雪獨振也今子少晞冥風弱挺 以倏忽吾不機韻於數賢故寂然玩此員策與智骨 或問曹子曰夫寶以含珍為貴士以藏器

**媝定四庫全書** 

次正日華金 恭退不居漆園之場出不躡會城之衝游不踐綽約之 位以衽物扇塵教以自濛負鹽車以顯能飾一已以求 韓為宏通既登東觀染史筆又據太學理儒功會無玄 莫而萋猜排素薄而青葱者矣何必以刑禮為已任申 韻淡泊逸氣虚洞養素幽翳晦明蒙籠不追林棲之迹 不希抱鱗之龍不營練真之術不慕內聽之聰而處汎 經濟類編

一擬高鴻味道則理貫莊肆研妙則頳奪豪鋒固以騰廣

秀容奇發幼齡翰披孺童吐辭則藻落揚班抗心則志

嬰孩而見毀絳灌之口身離狼狽之失由此言之名為 柯贵生之才技奇山東王映漢臺可謂響播六合聲駭 性以充勞府對羣物以耦怨雙者乎子不聞乎終軍之 俗果非邪則俗非不可以苟從俗我紛以交爭利害渾 **黃之量而塞北川之洪檢名實於俄頃之間定得失乎** 室趋不希縣駬之蹤徒以區區之懷而整名目之典覆 而彌重何異執朽轡以御逸駟承勁風以握秋蓬役恬 管之鋒子若謂是果是那則是不必以合俗子若云

次定四軍全首 晚出不極勞處不巢皓在儒亦儒在道亦道運屈則紆 知火林之蔚炎柯氷津之耀陽草故大人達觀任化昏 之表是以迷魔者循一往之智狷介者守一方之矯豈 故不登閱風安以瞻殊目之形不步景宿何以觀妖廓 關陰陽汗浩五才送用化生紛擾萬類云云孰測其兆 者矣蒙竊惡馬主人莞爾而笑於然而言曰夫兩儀既 實屬福萌禍胎朝敷榮華夕歸塵埃未若澄虚心於玄 圓蔭瑤林於蓬萊絕世事而儁黄綺皷滄川而浪龍鰓 經濟類編 五

不可踰晦朔蟪蛄無以觀大年固非管翰之所述聊敬 融道無不延風澄於俗波清於川方將舞黃蚪於慶雲 理之患累真之嫌子徒知辯其說而未測其源明朝菌 招儀鳳於靈山流王體乎華闥秀朱草於庭前何有違 其清暉時申則散其龍藻此盖員動之用含非尋常之 重与电人 紋安期解褐於秀林漁父擺釣於長川如斯則化無不 所寶也今三明玄照二氣載宣玄教夕凝朗風晨鮮道 以才暢化隨理全故三典克明於百揆虞音齊響於五

患不能成無患有司之不公言未既有笑於列者曰先 **誨之曰業精於勤荒於嬉行成于思毀于隨方今聖賢** Print Print 生欺予哉弟子事先生于茲有年矣先生口不絕吟于 唐韓愈進學解 孰云多而不楊諸生業患不能精無患有司之不明行 相逢治具畢張拔去壳邪登崇俊良占小善者率以錄 對以終篇 藝者無不庸經羅剔抉到垢磨光盖有幸而獲選 國子先生晨入太學招諸生立館下

沈浸酿郁含英咀華作為文章其書滿家上窺姚似渾 六藝之文手不停披於百家之編記事者必提其要豪 渾無涯周誥殷盤佶屈聱牙春秋謹嚴左氏浮誇易竒 補直罅漏張皇幽渺尋陸緒之茫茫獨旁捜而遠紹障 言者必鉤其空貪多務得細大不捐焚膏油以繼晷恒 百川而東之廻狂瀾於既倒先生之於儒可謂有勞矣 兀兀以窮年先生之業可謂勤矣脈排異端攘作佛老 而法詩正而葩下遠莊騷太史忻錄子雲相如同工異

金坛四月全書

成室者匠氏之工也玉札丹砂亦箭青芝牛溲馬勃敗 各暫為御史遂窟南夷三年博士冗不見治命與仇謀 然而公不見信於人私不見助于友跋前躓後動輕得 死何神不知慮此而反教人為先生曰吁子來前夫大 於敢為長通於方左右具宜先生之於為人可謂成矣 取敗幾時冬暖而兒號寒年豐而妻啼饑頭童齒豁竟 不為宋細木為桷欂爐侏儒根闌扂楔各得其宜施以 經濟頻編

曲先生之於文可謂閱其中而肆其外矣少始知學更

俸錢蔵麼原栗子不知耕婦不知織乘馬從徒安坐而 者吐辭為經舉足為法絕類離倫優入聖域其遇於世 中文雖奇而不濟於用行雖脩而不顯於衆猶且月費 宰相之方也昔者孟軻好辨孔道以明轍環天下卒老 雜進巧批紆餘為妍卓學為傑校短量長惟器是適者 何如也今先生學雖勤而不繇其統言雖多而不要其 于行首卿守正大論是宏逃讒于楚廢死蘭陵是二儒

一致灾匹库全書

鼓之皮俱收並蓄待用無遺者醫師之良也登明選公

卷五十三

之所稱指前人之瑕疵是所謂詰近氏之不以代為極 而訾翳師以昌陽引年欲進其豨苓也 乃分之宜若夫商財賄之有亡計班資之崇庫忘己量 臣不見作兹非其幸欺動而得該名亦隨之投間置散 食踵常途之促促窥陳編以盗竊然而聖主不加誅字

R. Diel Liste

经济领域

<del></del>	<del></del>	<del></del>	<del></del>	7 7 15
經濟類編卷五十三				多灰四周全主
<b>表</b> 五十				
٤				卷五十三
		-		